



कार्बि आंल जिल्ला बर' थुनलाइ आफादनि 49 थि जथुम्माया खुंफुंजाबाय

हाउराघाट, 30 डिसेम्बर: कार्बि आंल जिल्लानि हाउराघाट ओन्सोलनि दुमुखि जालजुरिआव 28 आरो 29 डिसेम्बर साननैनि हाबाफारिजों खुंनाय कार्बि आंल जिल्ला बर' थुनलाइ आफादनि 49 थि आरो जिल्ला दुलाराइ बर' हारिमु आफादनि 22 थि जथुम्माया मैया रबिबारखालि खुंफुंजायो। जोबथा सानखालि फुनि समाव बर' थुनलाइ आफाद आरो दुलाराइ बर' हारिमु आफादनि आलादा-आलादायै फिफिला बिस्होयो कार्बि आंल जिल्ला (□ 6 बिलाइआव)

सानसेयारि बड'सा

गुवाहाटी, 30 डिसेम्बर: आसामनि राइज्यो बेंगिरि लक्ष्मण प्रसाद आचार्यआ दिने माचखवायाव थानाय प्रगज्योतिष आइटि ए सेन्टारआव खुंजायाय मोनसे हाबाफारियाव 'बिटिआर कमिउनिटि भिजन डकुमेन्ट' खौ बेखेवदों



जाफुंसारनायनि फोरमान। बिथाडा बुडोदि 'आं फोथायोदि बे दलिलआ बड'लण्डआव गुवार आरो थाफादेरनाय जौगाथायखौ गोख्रैसिन खालामगोन।' बे हाबाफारियाव राइज्यो बेंगिरिया बड'फा उपेन्द्र नाथ ब्रह्म आरो गुरुदेव कालिचरण ब्रह्मखौबो मान बाउवो आरो बिसोरनि गोजोर बिहोमाफोर खौ फोरमायो। 'बड'फाआ भारतनि खौसेथि आरो बर' सुबुंफोरनि संबिजिरारि (□ 6 बिलाइआव)

उदालगुरि जिल्ला आपकुनि सरसनस्त्रा मेल खुंदों, गोदान आफाद दाबाय



कलाइगाव, 30 डिसेम्बर: आसाम प्रेस करेसपनडेन्स इडनियन सुंदये आपकुनि उदालगुरि जिल्ला आफादनि सरसनस्त्रा मेलखौ दिने टंला साहित्य सभा भवनआव खुंनाय जादों। उदालगुरि जिल्ला आपकुनि आफादगिरि दिपक डेकानि आफादगिरि मासि सामलायनायाव खुंनाय मेलआव आलारि बाति फोजोंनाय आरो गोसोखां मान बाउनाय हाबाफारिखौ आपकुनि मिरु सोद्रोमा धिरन महलियाआ बेखेवना होयो। आसामनि गामियारि खौरंगिरिफोरनि गुबुन मोनसे आफाद आसाम प्रेस करेसपनडेन्स इडनियन (आपकु) उदालगुरि जिल्ला आफादनि बोसोरारि सरसनस्त्रा मेलखौ बेखेवना जिल्ला आपकुनि बार' (□ 6 बिलाइआव)

बिटिआरनि गासै हारि-हारिसाफोरनि गेजेराव गोजोन, खौसेथि आरो जौगाथायनि नोजोरजों बिटिआर सरकारआ कमिउनिटि भिजन डकुमेन्टखौ बेखेवबाय

गुवाहाटी, 30 डिसेम्बर: गाहाइ मावफुं सोद्रोमा प्रमद बर'नि दैदेनाय सोलिफु बि टि आर सर कारनि मोनसे गोजों नोजोरजों बि टि आरनि सिखव थानाय गुबुन गुबुन हारि-हारिसाफोरनि थाखाय गासै बिथिखव गोजोन, खौसेथि आरो दावगानायनि थाखाय खामानि मावनांगौनि सायाव थियारि खालामनाय कमिउनिटि भिजन डकुमेन्टखौ दिने बेखेवबाय। राइज्योनि (□ 6 बिलाइआव)



कक्राझारआव जिल्ला थाखोनि मास्टर्स एथलेटिक सेम्पियनसिपआ खुंफुंजाबाय

कक्राझार, 30 डिसेम्बर: कक्राझारनि खान्थालगुरियाव थानाय साइ फोरेंथाइ मिरुनि स्टेडियामाव थांनाय 27 डिसेम्बरनिफ्राय सोलिबाय थानाय दुलाराइ आसाम मास्टर्स एथलेटिक सेम्पियनसिपआ दिने खुंफुंजायो। हाबाफारि बायदियै दिने बान्ता रन्नाय हाबाफारिनि उनाव दुलाराइ आसाम मास्टर्स एथलेटिक आफाद आरो बान्जाय आफादनि फिफिलाखौ बोख्खालानाने सेम्पियनसिप फोजोबनायखौ फोसावनाय जायो। मख'नो गोनांदि, थांनाय



27 डिसेम्बरनिफ्राय कक्राझारनि साइ स्टेडियामाव साननैनि हाबाफारिजों 30 थि जिल्ला थाखोनि मास्टर्स एथलेटिक

बादायगिरिफोरा बाहागो लायो। 30 थि जिल्ला थाखोनि मास्टर्स एथलेटिक सेम्पियनसिप 2024 बादायलायनायनि साबसिन हान्जा महरे जायगा आवग्रिनो हायो मरान जिल्लाया, नैथि मासिखौ आवग्रिनो हायो सिलापथार आरो थामथि मासिखौ डिब्रुगड जिल्लाया आवग्रिनो हायो। गुबुन फासैथि, हौवाफोरनि गागि गेलेगिरि हान्जा महरे सेथि मासिखौ डिब्रुगडआ आवग्रिनो हायो। नैथि मासिखौ सिलापथार आरो (□ 6 बिलाइआव)

साइबार क्राइमनि नोजोराव गोग्लैदों दावबायारि जायगाया



सालबारि, 30 डिसेम्बर: बे खेबाव साइबार क्राइमनि नोजोराव गोग्लैदों राइज्योनि दावबायारि जायगाफोरा। मख'नो गोनांदि, दिल्लीनिफ्राय दावबायारि बिथिखव नंखाय सोरजिनाने माखासे साइबार क्राइमआ रं लुथिदों। जर'खा वेबसाइटआव मानासनि फोरमायथिखौ जगायनाने (□ 6 बिलाइआव)

बड'लेन्ड मुलुग सोल्लोसालिआ हादरयारि सोल्लोथाय खान्थि 2020 नि सायाव नेसनेल सेमिनार खुंदों

कक्राझार, 30 डिसेम्बर: कक्राझारनि देवगावआव थानाय बड'लेन्ड मुलुग सोल्लोसालि सोल्लोथाइ बिफानआ आइसिएएसआरनि हेफाजाबआव साननैनि हाबाफारिजों हादरयारि सोल्लोथाइ खान्थि 2020: फिथाइ आरो जेनाखौ लानाने थांनाय 13 आरो 14 नभेम्बरखालि मुलुग सोल्लोसालिआव नेसनेल सेमिनार खुंदों। बड'लेन्ड मुलुग सोल्लोसालिनि सोल्लोथाइ बिफाननि एसिस्टेन्ट प्रफेसार आरो सेमिनारनि क-अडिनेटर ड जमिना बागलारिआ सेमिनारनि आयदा, थांखि आरो दाथायनि सायाव बेखेव बिबुंथि



लाखिनायजों बे हाबाफारिया जागायदों। बेखेवनाय हाबाफारिआ 13 नभेम्बरखालि फुनि 9:30 रिंगायाव जागायजेनदों। बे हाबाफारियाव

बड'लेन्ड मुलुग सोल्लोसालिनि भाइच सेन्चेलर ड बिप्ल आहुजा, तेजपुर मुलुग सोल्लोसालिनि सोल्लोथाइ बिफाननि प्रफेसार निल रतन

भबानिपुर, 30 डिसेम्बर: बाक्सा जिल्ला सालबारि महकुमानि बासबारियाव थानाय पाटेमाबाद साहा बागानाव बागान बिफानआ खामानि मावग्रा (लेबार) फोरनि मोन्नो गोनां धोनखौ गथायैनि हेंथायै दिने बागाननि मावखुलि लांगोनायाव माखासे लेबारफोरा गोखों हेंथा सोमावसारनाय हाबाफारि लादों। लोगोसे लेबारनि मोन्नो गोनां मजुरिनि धोनखौबो गथायनांगौनि दाबि दैखाडो। मख'नो गोनांदि, साननि 3:30 रिंगानिफ्राय खुंनाय लेबारफोरनि 1 घन्टाडै हेंथा सोमावसारनाय



हाबाफारियाव सोमावसारगिरि लेबारफोरा पाटेमाबाद साहा बागाननि खुंथायगिरिया लेबारफोरनि मोन्नो गोनां मजुरिखौ गथालासेनो

लेबारफोरखौ थगायनायनि अजद दैखानाने सामलायगिरि राजेश जालाननि हेंथायै बायदि स्ल'गानजों सोमावसारनाय (□ 6 बिलाइआव)

कक्राझारनि गुन गोनां फरायसाया देहा फाहामथायनि थाखाय हेफाजाब हांखायहरदों

कक्राझार, 30 डिसेम्बर: कक्राझार जिल्लानि सालाकाति रेलवे स्टेसननि साखाथियाव थानाय गुन गोनां फरायसा अनिता बर्मनआ जेनागोनां थासारिनि गेजेरावबो मख'जाथाव सोल्लोथायारि जाफुंसारनो हादों। अनिताआ मेट्रिक आन्जादाव गां 5 लेटर मोननो हादोंमोन, गोजीसिन गेजेरारि आन्जादाव 70 जौखोन्देनि बांसिन नम्बर मोननो हादोंमोन आरो सेथि थाखोआव बिएससि उथिसारनो हादोंमोन। ब्रजेन बर्मन आरो पार्वती बर्मननि फिसाजो अनिताया रांखाथियारि महरे लोरबां नख'रनि। अनितानि बिमा-बिफाया बिनि सोल्लोथायखौ (□ 6 बिलाइआव)



पर्वतझरानि जारिमिनारि बगरिबारि 25 हाट कालि मन्दिराव दुंहाव थासारि

पर्वतझरा, 30 डिसेम्बर: कक्राझार जिल्लानि सिखव थानाय पर्वतझरा महकुमानि जारिमिनारि बगरिबारि 25 हाट कालि मन्दिराव दिने मोनसे अजद गोनां थफलाखौ लानाने ओन्सोलनि राडो-राजाफोरनि गेजेराव दुंहाव थासारि सोमजियो। मन्दिरनि सिडवाव अजद गोनां थफला गालानायखौ लानाने पर्वतझरा महकुमानि बगरिबारि ओन्सोलनि ख'ना-खनला दुंहाव थासारि सोमजियो। जाथायनि बागै खौरं मोनाने पर्वतझरा महकुमा पुलिस बिबानगिरि, बगरिबारि पुलिस थानानि बिबानगिरि ऋषिकेश दासआ



मन्दिराव नुजाथिहैनाने अजद गोनां थफलाखौ सोमोन्दे पर्वतझरा महकुमा बेंगिरि देबज्यति बोखानाने स्त्रिफार सैमाजों मोजाडे गगैआ फोरमायोदि, बोखानो हानाय अजद नायबिजरो। गुबुन फासैथि, बे जाथायनि गोनां थफलाखौ (□ 6 बिलाइआव)

आबाद बिगियान मिरुआ कार्पेट दिहुन्नायनि सायाव खुंनाय सान 5 नि फोरेंथाय हाबाफारिया जोबलांबाय



गसाइगाव, 30 डिसेम्बर: कक्राझार जिल्लानि गसाइगाव महकुमानि तेलिपारायाव थानाय आबाद बिगियाव मिरुनि बान्जायनायाव कार्पेट दिहुन्नायनि सायाव खुंनाय फोरेंथाय हाबाफारिया दिने जाफुंसार महरे खुंफुंजायो। आबाद बिगियान मिरुनि समाज बिगियाननि आयदा रंग'सार पर्ना शर्मानि दैदेनायाव थांनाय 24 डिसेम्बरनिफ्राय जागायजेनाय फोरेंथाय बादायाव सा 15 निबो बांसिन आइजो-लाइमोन (□ 6 बिलाइआव)

सुजुगिरिनि खोलोम

लावखार ओंखाम आरो थावनि

गोजाम बोसोर 2024 माइथया जोबफेनो गेजेरव सानसेल 'से। बेनि उनावनो हाबफेसिगोन बयनिबो मिर्जिथिनि गोदान बोसोर 2025 माइथया। गोदान बोसोरव बयबो सुबुङनो गोजोन थासादि, गोसोनि सान्नाय मिर्जिथिफोर जाफुंसाख्खो लुबैनानेनो बरायो। बेखायनो गोजामखो बिदाय हरनाने रंजा-बाजायै बरायो बोसोर गोदानखो। देरलायबो बे मोनसे थासारियानो फेगोन सुबुङफोरनि गेजेरव। बेजो लोगोसे नुनो मोन्नाय जादो, गोदान बोसोर हाबनायनि उन-सिगां गोजोनयय बे बोथोरव सुबुङफोर नख रनि बाइजोआव थानाने बोथिसे जानाय-लोनानयजो लोगोसेनो बेरायनाने रंजानाय लाहैयो आरो गोसोनि गोजोनयय लायो। बेनि थाखाय नांगो जायो मोजां मिथिगायारि नुथायजो बुंफनयाय थावनि एबा पिकनिक स्पट। सुबुङफोरनि गोसो बोनो हानाय थावनि एबा जायगाफोरवसो सुबुङफोर लावखार ओंखाम एबा पिकनिक जाहैनो होंगो-दोंगो जालायनायखो नुनो मोन्नाय जायो। दासान्दि पिकनिक जानायनि दुहुम सम। मिथिगायारि नुथायफोर समाइना आरो निजोम थावनिफोरसो सुबुङफोरनि गोसो बोनो हायो। आधिखाल समाजआरि विजोफोरनि गेजेरजोबो पिकनिक स्पटफोरनि सोमोन्दै फोसावनाने सुबुङफोरनि गोसो बोनो हानायखो जां बयबो मिबथिगौ। बेखायनो सामलायगिरिफोर समाजआरि विजोनि मदत लानायखो नुनो मोन्नाय जायो।

दासान्दि लावखार ओंखाम जाग्रा थावनि एबा पिकनिक स्पटफोरनि गेजेरव चिरां जिल्लाया बयनिबो गोसो बोनो हानायखो नुनो मोन्नाय जादो। गुबैये भुटननि सोमखोर हाजोनि सेरफाडव थायय मोनाबिलि पिकनिक स्पट, कालामाति पिकनिक स्पट, आइपवाल पिकनिक स्पट, निज्जलागिरि पिकनिक स्पट, भुमेश्वर हाजो पिकनिक स्पटफोर बादि गोबां मिबथि मोनै पिकनिक स्पटफोरव बोथोरनि लावखार ओंखाम जाहैनाने सुबुङफोरखो रंजानाय नुनो मोन्दो। बे रोखोमेनो सरलपारा, डिपलाइ, धोर बिलो, जमदुवार बादि कक्राझार जिल्लानि पिकनिक स्पटफोर सिगांफोरव जेरे मुदांखामोनो बेबादिनो दासिम सुबुङफोरजो अन्साय जानाय, मोजां मोनजानाय गुबुन गुबुन लावखार ओंखाम जाग्रा थावनिफोर बादिनो मोनसे मोनसे थावनि। चिरां आरो कक्राझारनि अनगाथैबो बाक्सा, तामुलपुर आरो उदालगुरि जिल्लानि सिडव थायय मिथिगायारि नुथायजो बुंफनयाय गमदलानेनो थावनि पिकनिक थावनिफोरवो सुबुङफोर मोजां मोन्नाय थावनि खायनो सानफ्रोमबो लावखार ओंखाम जानो हान्जा हान्जा सुबुङनि बाना जानायखो नुनो मोन्नाय जायो। वुनो थाडोब्ला बड'लेडआनो समाइना दावबायारि थावनि महर मोन्नाय। गुबुन गुबुन पिकनिक स्पटफोरनि अनगाथैबो बड'लेड ओन्सोलाव माहारियारि नेसेनेल पार्क-राइमना नेसेनेल पार्क,चिख्नाझार नेसेनेल पार्क, मानास नेसेनेल पार्क आरो चक्रचिल्ला वाइल्डलाइफ सेक्युरि बाइदि पार्कफोरवो लावकार ओंखाम जानाय आरो दावबायनयनि थावनि।

बड'लेडनि सिडव थायय बेफोर समाइना-रमाइना मिथिगाजो बुंफनयाय पिकनिक स्पटफोरखो लावखार ओंखाम जानाने रंजानायनि थावनि 'खालामनाने दोनालासे दावबायारि थावनि गायसन्नाने हादतनि आरो गुबुन हादतनि सुबुङफोरनि गोसो बोनो हानाय खालामनो हायोब्ला खुथायजो लोगोसे जायगानि सुबुङफोरबो आधिनायनि लामा मोनो हागोनखो नुहरो। आधिनायनि लामा मोन्नायजो लोगोसे गावनि हारिनि हारिमुनिफ्राय लानाने जानाय-लोनाय आसारखान्थिनि फारसेबो दिन्थिनो आरो मिबथि होनायनि लामा मोनो हागोन।

आधिखाल लावखार ओंखाम जानायनि आदोब आरो राहाफोर सिगांफोर समनिजो गोरेबनायखो नुनो मोन्नाय जाबलिया। सिगांनि समआव सुबुङफोर निसा मुवा बाहायनाने लावखार ओंखाम जानायनि थाखाय गोबांथारे दावयव-दावयि, नालाय-खमलाय जानायखो नुनो मोन्नाय जायोमोन। पिकनिक स्पटफोरव जाखोन्दा-लोखोन्दा मुवाफोरखो आवसारियै गमदलानाने थावनिफोरखो खालाइ-दैफोनजो मोनामबुं, आधिं दोनो जायगा मोनलायै जानायमोन। बेखायनो जौनि आवहावाया जाहाथे गुबुले जानो हाया बेनि थाखाय सरकारआ गोबांथार नेमखान्थिजो पिकनिक जानायखो सामलायनो नाजाबोनयखो नुनो मोन्दो। जानो हागौ खायफया बेफोर नेमखान्थि खानाने पिकनिक जानो होनायखो हामजायबो जानो हागौ। नाथाय मख'जाथावन बाश्राया बेनेदि-पिकनिक स्पटखो साखोन-सिखोन लाखिनाय, पिकनिक हान्जाखो लानाने थानाय गारि इइभारा जौ लोनो मोनै, गोब्राबै गारि सालायनायखो होबथानायजो पिकनिक स्पटफोर गुबुले आवहावा सोमजिनयनिफ्राय उदां जागोन, जाथावनाने जाब्रबथायनिफ्राय बारा'नो हागोन आरो लामा-सामाफोरव जाब्रबथायनि गिनांगीया बाडय जागोन। बेखायनो गोदान बोसोरनि रंजानाय आरो पिकनिक जानाय समाव जाहाथे जेबो रोखोमनि जाथावनाने जाथाय नुजानो हायैबादि मोजां बोसोनफोरखो गनायनाने सोलिबोब्ला गोदान बोसोरखो गोजोन आरो रंजा खुसि थासारिजो बारहोहलो हागोन।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेघ:** जेखि जाया मोजां खामानि मावनाने लानो हागोन। बे राशिनि थाखाय शुभ दिन।
- वृष:** माबाफोर शुभ हाबा मावनांगोबा मावनाने लानो हागोन। सान्नाय-हनाया जाफुनो हागौ।
- मिथुन:** जेखि मावा खामानियवबो मुलाम्फा मोनो हागोन। मोजां सम। गोजोन मोनगोन।
- कर्कट:** मानिवा थाखाय रं खरसा जानो हागौ। गोसोखो शान्ति मोन्नाय नडा।
- सिंह:** दिनैनि दिनाव गोबां रं खरसा जानो हागौ। थाखानाय रंआ जोबस्तानो हागौ।
- कन्या:** मोजां मोनलायनायनि बान्दोआ गोरु जागोन। अनलायनाया थाबाय थागोन। मोजां सान।
- तुला:** जेरावबो गोहो-बोलो मोनो हागोन। गोजोन सम बारहोनो हागोन। मोजां सान।
- बृश्चिक:** जेखि खामानिखो मावा मानो जौगानाय फेगोन। फारफोमथिबो मोजां। गोजोन मोनगोन।
- धनु:** सोरजोबाफोर बायदिसिना होन्नाने लाजि फोनांजानो हागौ। गोसोखो हमथानाने था।
- मकर:** नख'र संसार जानायव जेना नुजानो हागौ। गोसोखो शान्ति गैयै मोनगोन। गोसोखो हमथा।
- कुम्भ:** बेफार फालागिरि मावग्रानि थाखाय गाहाम सान। मुलाम्फा आरजिनाने लानो हागोन।
- मीन:** बबेबा गोजान जायगायाव दावबायैहाने गोजोनयय लानो हागोन। बे राशिनि थाखाय मोजां सान।

गुवाहाटीआव गिबि मन्थिआ केब ड्राइभरनि हेंथायै पुलिसखौ नायबिजिरनो बिथोन होदो

गुवाहाटी, 30 डिसेम्बर:

आसामनि गिबि मन्थि ७० हिमन्त विश्व शर्माआ राइज्यो पुलिसनो 29 डिसेम्बरआव गुवाहाटीआव गागि खौरंगिरि मेनी महन्तनि सायाव गात्रि आखु दिन्थिनयनि दायनिगिरि केब ड्राइभरनि हेंथायै थाबैनो नायबिजिरनो बिथोन होयो। नदिनी लाइसिनि गायसनगिरि महन्तखौ इइभारआ गोब्राबे जेनायाव खोख्लैदोमोन। जेब्ला बियो पान्जावारिआव खुनाय मोनसे हाबाफारिनिफ्राय न'आव फेफनगसिनो दडमोन आरो सुबुङफोर विखौ लामा सेराव गालाडो। बे जाथाया मोनाबिलिआव जायो, जेब्ला महन्तआ कलाक्षेत्रजो गावनि न' फारसे थांगासिनो दडमोन। इइभारआ विखौ लांखारनाने



हरखाबै कारखौ लाखिना बिखौ खोमसि आरो रैखाथि गैयै थासारिआव बाइजोआव दिहुनो नाजादोमोन। आधिखालाव प्रिमियार सुइफ्ट डिजायार रैजिस्टार नम्बर एएस-01 पिसि-7157 खौ सिनायथिनाने देहायारि जिनाहारि खालामनो हुमखि होयो। गावनि रैखाथिखौ लानाने महन्तआ गिना मददनि थाखाय गावनि फिसाइखौ लिंहेरो आरो थाबैनो पुलिसनो खौरंगि होयो। दिसपुर पुलिस स्टेसनआव महन्तआ अजद दैखानायव महन्तआ

गोदान बोसोराव आबादनि हासार बेसेन गोसासिन जानो हासिगौ!



गोदान दिल्ली, 30 डिसेम्बर : आबादआव इरियानि उनाव बयनिखुइ बांसिने बाहाय जाग्रा हासार डिपिनि बेसेना फेगौ दानाव बांनो हागौ। आधिखालाव आबादरिफोर 50 किल'ग्रामनि मोनसे बेग डिपिखौ 1350 राडाव मोनगासिनो दड। बेयाव 200 रंसिम बांनो हागौ। मिरु सरकार आबादरिफोरनो खम बेसेनाव 3500 रानि हारजो जेर'खा साब्सिडि होयो, बेनि सम सिमनाया 31 डिसेम्बराव जोबबाय। आधिखालाव डिपि बानायनायाव बाहायजाग्रा

जायखौ रबि (2024-25) बोथोरनि थाखाय बांनोनाने 21,911 रं खालामना होनाय जायो। जुदि जर'खायै साब्सिडिखौ सोलिहोना लाखिबाय थानायनि सायाव सावरायाब्ला बेनि बिबानखौ उद्यम मुलुगा नांगोन। मुलुगायारि बाजाराव आधिखालाव डिपिनि बेसेना मोनफ्रोम टनाव 630 डलार। थानाय माखासे समनिफ्राय डलारनि रुजुनायाव राड बेसेन गैयै जायो। अदेबानि राड लोरबां जानायनि जाहोनाव गुबुन हादतनिफ्राय लाबोनाय बेसेनाव गासै मोनफ्रोम टनाव 1200 रं बाडो। बे समाव जुदि साब्सिडिखौबो बन्द' खालामोब्ला मोनफ्रोम टनाव गासै 4700 बेसेना बांगोन, जाय मोनफ्रोम बेगआव गासै 200 रं बेसेन गोसा जानो हागौ। बोसोरने सिगां आबादरिफोर डिपिखौ बेगआव 1200 राडाव मोन्दोमोन। आधिखालाव बेयाव 150 रं बानायजो बेगआव 1350 रं बेसेन गोसा जांबाय।

बिबानगिरिफोरा बाराग' गाहाइ मन्थिनि गोसोखां खाम्फा लुनो जायगा नागिरनायखौ जागायबाय

गोदान दिल्ली, 30 डिसेम्बर:

बाराग' गाहाइ मन्थि मनमहन सिंसि गोसोखां खाम्फाखौ लानाने कंग्रेसनि दाय जाबसिन्नायफोरनि सायाव बिजेपिआ लान्थियै फिन्नाय होगासिनो दड। बेनि गेजेरजो बिबानगिरिफोरा बाराग' गाहाइ मन्थिनि गोसोखां खाम्फाखौ लानाने जायगा नागिरनाया जागायबाय। बाराग' गाहाइ मन्थिनि गोसोखां खाम्फा लुनायनि जायगाखौ लानाने माखासे जायगाफोरनि मुं नुजाथिदो। मोनसे रिपटयाव बुनाय बायदिब्ला, बाराग' गाहाइ मन्थिनि गोसोखां खाम्फाखौ माहारियारि गोसोखां खाम्फा आरो आगुनि पिएम चौधुरि चरण सिंहनि गोसोखां खाम्फा सिकान घाटनि खाथियाव बानायनो हागौ। मोनैबो जायगाया यमुना दैमानि सेराव दड। बेनि अनगायै



बेखौ सावरायनाय जायोदि, आगुनि पिएमनि गोसोखां खाम्फाखौ सन्जय गान्धीनि समाधि स्थल आरो आगुनि पिएम नरसिम्हा रावनि समाधि एकता स्थलनि खाथियावबो खालामनो हागौ। आधिखालाव बेनि थांखिखौ सरकारआ लागोन। अदेबानि कंग्रेसआ मिरु सरकारनि सायाव हादतनि गिबि शिख गाहाइ मन्थि मनमहन सिंसिखौ जोबथा बिदाय होनो थाखाय मोजां आरो मान गोनां जायगा होयैनि दाय जाबसिनो।

इम्फलआव होबथा जानाय आफाद प्रिपाकनि सानै उतखारिफोरखौ पुलिसआ हमदो



इम्फल, 30 डिसेम्बर : मणिपुरनि सोनाब इम्फल जिल्लायाव होबथा जानाय आफाद प्रिपाकनि सानै उतखारिखौ ग्रेप्टर खालामदो आरो बे खौरांखो पुलिसआ होदो। पुलिसआ समबारखालि बुडेदि, होबथाजानाय आफाद पिआरइपिएके नि सानै उतखारिफोरखौ जर-जुलुमै लुथिनाय दायवा बिबोरजो थाफानायनि थाखाय मणिपुरनि सोनाब इम्फल जिल्लाआव

लाइजामफोर जब्द' खालामनाय जादो। पुलिसआ मोनसे फिनजाथाइआव बुडेदि, रैखाथि हान्जाफोरा चुराचान्दपुर आरो तेनौपाल जिल्लाफोराव सिग्रोमनाय हाबाफारिनि गेजेरजो हाथियार आरो गुलि बारुदबो जब्द' खालामनाय जादो। शनिबारखालि चुराचान्दपुर जिल्लानि सिंसिआव थानाय मुअल्लम मुनि गामियाव गंसे इन्सास राइफल, गंसे 9 मि:मि: पिस्टल आरो गंसे सिंगोल बेरल राइफलबो जब्द' खालामदो। मख'नो गोनांदि, शुक्रबारखालि तेंगनौपाल जिल्लानि सिंसिआव थानाय सैवम गामिनिफ्राय गंसे 303 राइफल, गंसे 12 बर सिंगोल बेरल पिस्टल, थर सिन बेरुफुगा बेसादफोर आरो डेटेन्टर जब्द' खालामनो हायो।

डिमा हासावआव सानै फरायसाफोरा खारबाय थानाय ट्रेनिफ्राय बाजुमदो

हाफल, 30 डिसेम्बर: आसामनि डिमा हासावआव 15 बोसोर बैसोनि सासे फरायसुलिआ खारबाय थानाय ट्रेनिफ्राय जेना गोनाडे बाजुमना जिउ गोमायो। बे जाथाया रबिबारखालि जायो आरो फरायसुलिनि मुंखौ रिमालि लांटसा होन्नाने मिथिनो मोन्दो। खौरांनि बादिब्ला, डिमा हासावनि डाउथुजरा रेलवे स्टेसनआव हिन्जावसाआ खारबाय थानाय ट्रेनिफ्राय बाजुमनाने जिउ गोमादो। थैनाय लांटसा आरो बिनि लोगो जसिंडि सेंगीउंआ माइब रेलवे स्टेसननिफ्राय ट्रेन गाखोदोमोन। बिबोरो गावसिनि टपा गामिनि साखाथियाव थानाय डाउथुजरा स्टेसनआव ओंखारनो गोनांमोन। नाथाय ट्रेनआ बे स्टेसनआव लाखिनायनि शेडुल गैयामोन। बेनिखायनो बिबोरो डाउथुजरा स्टेसनआव खारबाय थानाय ट्रेनिफ्राय बाजुमो, जेराव सानैबो गोब्राब जोखोम जायो। लांटसाआ नाथाय फाहामथाय होनायनि सिगांनि स्टेसनआवनो जिउ गोमायो। गुबुन सासे सेंगीउंखौ माइब



पिएइचिसिआव गुदि फाहामथायनि थाखाय लांनाय जायो आरो बेनिफ्राय हाफल सिभिल फाहामसालिआव गोजौ फाहामथायनि थाखाय दैथायहरो। बिबोर सानैबो हिन्जावसाफोरा माइब एइचएस स्कुलआव फरायोमोन आरो फरायसालि बन्द मोन्नाने गावबा गाव न'आव थानो थानोमोन, जेराव ट्रेन गाखोलांनो बाजुमनाने जिउ गोमायो।

सिक्किमनि माघी मेलाराव हेलिकप्टर साफारी बाहायगोन



गैटक, 30 डिसेम्बर: जरेथां माघी मेला 2025 आव बाहागो लाग्रा दावबायारिफोर आरो जायगानि सुबुङफोर थाबैनो गोजौनिफ्राय एबा अख्रां सानिफ्राय सोमोनांथाव नुथायखो नायनो मोनसिगोन। मानोना बिबानगिरिफोरा आसार खांथियारि मेलाराव हेलिकप्टर साफारी बाहायनो थांखि लानाया सोरडाव फेदो। जुम-सलधरीनि

एमएलए मदन सिन्धुनि दैदेनायाव बे जर'खा हाबाफारिआ थानाय बोसोरफोरनिफ्राय मोनसे मख'जाथावसिन थांखि जागोन। दरनै सोलोखांथियारि जायगा आइआरबि ग्राउन्ड आरो जेएनभि प्ले ग्राउन्डआव खुंफुनो सायख'नायनि उनाव हेलिकप्टर बेस महरै बेखौ थि खालामनाय जादो। बै दरनैबो जायगायाव लेन्डिनि थासारि आरो रैखाथि मानदान्दाफोरखो नायसनायनि थाखाय फेनो गोनां सप्ताहफोरव आन्जाद नायनाय उरां बिहोनो थि खालामनाय जादो। जोबथा सायख'नाया टेक्निकी आरो उरां रैखाथि मानदान्दाफोरखौ फालिनायनि सायाव सोनारगोन। माघी मेलाआ सिक्किमनि हारिमुवारि बिरासतनि रंजाथाय फालिनाय मोनसे गोदोनफ्रायनो सोलिबोनाय मेला, जाय गासै सा-सान्जा भारतनि रोजा-रोजा दावबायारिफोरनि गोसो बोयो। हेलिकप्टर साफारी जागायनायजो फोबो आरो ओन्सोलनि हाजोफोरव मोनसे गोदान सावगारि नुजाथिनो हागौ होन्नाने आसा खालामनाय जादो।

AFFIDAVIT

We, (i) KADDUCH ALI MANDAL, aged about 54 years, S/O. Late Turap Ali Mandal & (ii) MOYNA BIBI, aged about 64 years, D/O. Late Turap Ali Mandal, both are resident of Village: Hekaipara, P.O. Chandrapara, P.S. & Dist. Kokrajhar, BTR, Assam, do hereby solemnly and jointly affirm and declare as follows:-

1. That, we are the bonafide citizens of India by birth and permanent resident of above noted address.
2. That, our father's actual and correct name and surname is **Turap Ali Mandal**, which has been recorded in the Next-of-Kin Certificate of our deceased father, Land Document, NRC and other relevant documents.
3. That, our actual and correct name and surname are **Kadduch Ali Mandal, S/O. Turap Ali Mandal & Moyna Bibi, D/O. Turap Ali Mandal**, which has been recorded in the Next-of-Kin Certificate of our deceased father, Land Document, NRC and other relevant documents.
4. That, in our Land Record, bearing Dag No. 282 and Patta No. 10, wherein our name and surname have been recorded as **Kadduch Ali, S/O. Turap Ali Mandal** in place of **Kadduch Ali Mandal, S/O. Turap Ali Mandal and Moyna Bibi, D/O. Turap Ali Mandal** respectively.
5. That, we do hereby declare that **Kadduch Ali Mandal, S/O. Turap Ali Mandal and Kadduch Ali, S/O. Turap Ali Mandal** is the one and same identical person and **Moyna Bibi, D/O. Turap Ali Mandal and Moyna Bibi, D/O. Turap Ali** is the one and same identical person i.e. none other but ourselves respectively.
6. That, this declaration is made by us to ascertain the above stated facts and to avoid the confusions regarding the names and surnames and to produce it before the concerning authority as a piece of documentary proof for doing needful.

All the contents stated above are true to the best of our knowledge & belief.

आसामआ सुबुं-जुनातनि दावहाखौ बाडइ खालामनो लुथिनाय होबथा हान्जा दाफुंबाय

गुवाहाटी, 30 डिसेम्बर: आधिखालाव जाफ्लेबाय थानाय सुबुं आरो हाग्रानि जुनातनि दावहाखौ सुखानायनि थाखाय मोनसे मख'जाथाव थांखि बायदियै आसामआ मरिगावनि पबित्रा वेल्डलाइफ सेंचुरिनि खाथि-खाला जिल्लाफोराव लुथिनायनि बेरेखा हान्जा दाफुं'बाय। कन्जार्भसन अर्गेनाइजेसन अरण्यकनि मदतजो जागायजेन्नाय बे हाबाफारिनि थांखिया सुबुंनि गामिफोरा जुनातफोरनि गैग्लोबनाय जाथायफोरखौ बाडइ खालामनाने सुबुंफोरनि जिउ आरो हाग्रानि जिब मोनैखौबो रेखा खालामनाय। रबिबारआव हाग्रा बिफानआ अरण्यकजो जयै 13 एन्टि-डिप्रिडेशन स्काइड (एसिएस) खौ



दायो, जेराव जायगानि गामिफोरनिफ्राय सोद्रोमा थिसन्नाय जादों। गाहायै हाग्रानि जिबफोरनि गाग्लोबनाय एबा हाबफैनायजों थोंजों गोहोम

गोग्लैनाय आबादारिफोर आरो गुबुन गामिफोरजों दाजानाय बे हान्जाफोरनो जुनातफोरनि खैफोदफोरनिफ्राय आबादखौ रेखा खालामनायनि बिबान गथायनाय जादों। पबित्रा

वेल्डलाइफ सेंचुरिनि वान रेन्जनि बिबानगिरि प्रान्जल बरुवाआ बै गामियाफोरखौ लाफानायाव नोजोर होदों, जायफोरा जायगायाव हाग्रानि जिबफोरजों सेलेन्स खालामदों। हाबाफारिनि बागै बिथाडा मिबथिहोना बुंदोंदि, पबित्रा वेल्डलाइफ रेन्जनि इन्टरप्रिडेशन हलआव खुंनय जथुम्मायाव बाहागो

लागिरिफोरनो मैसो, गान्दा, हाग्रानि अमा आरो सियाल बायदि जुनातफोरजों जुजिनयनि थाखाय गावखौ रेखाथि होनायनि आदोब-खायदाफोरनि सायाव फोरनोनाय जादों। बेनि अनगायै बिसोरनो आखु दिन्थिनायनि बागैबो फोररोडो आरो बै जुनातफोरनि जर'खा गुन, हाग्रायाव आन्दायना थानाय हाग्रानि जिबफोरखौ रेखा खालामनायनि आयदाफोरखौ फोररोडो। जथुम्मायाव सा 57 जायगानि सुबुंफोरा बाहागो लादों, जेराव रेन्ज अफिसार प्रान्जल बरुवा, फादर-1, मितुल दास, पबित्रा डब्लिउएसएलनि फ्रन्टलाइन स्टाफ आरो अरण्यकनि राइन'कन्जार्भसन डिभिजननिफ्राय आरिफ हुसेनजों लोगोसे माखासे मख'जाथाव सुबुंफोरा बाहागो लादों।

आसामनि रडिया पिकनिक केसआव सानै ग्रेप्टार जादों

रडिया, 30 डिसेम्बर: रडिया पिकनिक केसनि सानै गाहाइ दायनिगिरि हिमाशुं काकाती आरो अमुल्य लहकरखौ रडिया पुलिसआ ग्रेप्टार खालामो। डेकियाजुलियाव बिसोरखौ हर गेजेराव ग्रेप्टार खालामो, जायजों बे केसाव मोनसे मख'जाथाव जाफुंसारनाय मोनो हायो। आसाम पुलिसनि गाहाइ बिथोनगिरि पिके भुइयांआ मोनसे प्रेस कन्फ्रेंसयाव मिडियाखौ सोमोन्दो लाखियो आरो बे केसनि सायाव आपडेट होयो। मोनसे गोथो नागिरनाय हाबाफारिनि उनाव ग्रेप्टार खालामनाय जायो, जेराव पुलिस टिमफोरा 24 घन्टा खामानि मावगासिनो दडमोन। बिसोर सानै सन्देह खालामथावफोरखौ जेबो रोखोमनि होबथानाय गैया जासे हमनो हायो आरो आधिखालाव बिसोरखौ जेरा सेबनो थाखाय जिम्मायाव लानाय जाबाय। मख'नो गोनांदि, रडिया पिकनिक



केसजों गासै आसामाव खुद्विखानाय सोमजियो। बे ग्रेप्टारआ बे समाव जायो, जेबला पुलिसआ बे जाथायखौ सुखानो आरो गोहोम गोग्लैनाय सुबुंफोरनि थाखाय बिजिरनायखौ रोखा खालामनो गावनि नाजानायफोरखौ गोखों

आसामनि गुवाहाटीयाव सासे आइजोआ गावनि मोजां मोन्नायजों बुथार जानायनिफ्राय रेखा मोन्दों



गुवाहाटी, 30 डिसेम्बर: थानाय 24 डिसेम्बरआव दिसपुर पुलिस स्टेसननि बाइजोयाव सासे आइजोआ गावनि मोजां मोन्नाय राजेश देवनि गेजेरजों गोब्राबै बुथारजानो नागिरनायनिफ्राय खुनुखुमै रेखा मोनो। सुलुनि बायदिब्ला, राजेश देवआ दाबा सुरि लानाने पुलिस स्टेसननि खाथियाव नेगासिनो दडमोन आरो गोब्राबै बनि सायाव गाग्लोबनो बिथांखि लानाने दडमोन। बेयाव भुगिनांग्राआ गाग्लोबनायनिफ्राय बास'यो आरो पुलिस स्टेसननि लांगोनायाव खारलाना आस्रय बिहैयो। नायबिजिरनायाव मिबथिनो मोनोदि, खेबनै जुलि जाखानाय राजेश देवआ साब्रै गथ'फोरनि बिफा, जायजों बे जाथायखौ फिन्नाय होनो नागिरनाय बनि थांखि आरो हाबाफारिनि सायाव सोंथि सिखादों। बिबानगिरिफोरा आइजोफोरनि रेखाथि आरो बेबायदि हिंसायारि बांनय जाथायफोरनि सोमोन्दै सावयनायखौ जागायो। आधिखालाव बिबानगिरिफोरा बेनि सोमोन्दै बांसिन खौरं बुथुमनो थाखाय केसखौ नायबिजिरनायिनो दड।

2024 आव मिजरामआव 15,800 निखुइ बांसिन जोनोम आरो 6,300 निखुइ बांसिन सुबुंफोरनि जिउ गोमादों



आइजल, 30 डिसेम्बर: मिजरामआव 2024 आव 15,800 निखुइ बांसिन जोनोम जादों आरो 6,300 निखुइ बांसिन थैनायनि खौरं मोनो हादों। राइज्योनि रंखात्थिगिरि आरो अन्जिमा सानग्रा

बिफाननि बादिब्ला, आइजलआव सा 6,624 गथ'फोरजों लोगोसे बयनिखुइ बांसिन जोनोम जानायखौ देखानो मोन्नाय जायो, बेनि उनाव खोला मिजरामनि

लनाटलाइ जिल्लायाव सा 2,367 जोनोम जायो आरो मिजराम-म्यान्मार सिमना चम्फाइ जिल्लायाव सा 1,407 गथ'फोरा जोनोम जायो। बेराफासै हनथियाल जिल्लायाव जोनोम जानायनि हारखौ बयनिखुइ खमसिनै देखानो मोन्नाय जादों। बिफानआ बेयाव सा 72 गथ'फोर जोनोम जादों होनाने बुडो। बेफोर गासैखौबो जथायनाने 1 जानुवारिनिफ्राय 22 डिसेम्बरसिमआव राइज्योआव सा 15,836 गथ'फोर जोनोम जायो आरो सा 6,392 सुबुंफोरनि जिउ गोमायो। सा 6,392 थैनायपोरनि गेजेराव सा 623 सुबुंफोर केन्सार्जों थैयो, सा 520 सुबुंफोर हां लानाय जैनानि जाहोनाव थैयो। बेराफासै सा 467 सुबुंफोरा बिकानि बेरामनि जाहोनाव आरो सा 209 आ जाब्रथायनि जाहोनाव जिउ गोमायो। बेनि अनगायै सा 58 सुबुंफोरा सुइसाइडजों जिउ नागरदों। बिफाननि रेकर्डआव सा 4,366 सुबुंफोर थैनायनि जाहोनाखौ थिसन्नाय जायाखै। बे समाव आइजलआव बयनिखुइ बांसिनै सा 3,041 सुबुंफोरनि जिउ गोमायो, बिसोरनि गेजेराव सा 344 आ केन्सार्जों, सा 332 आ बिखानि बेरामजों आरो सा 298 आ गुबुन बेरामफोरजों जिउ गोमायो। बे समाव आइजल जिल्लायाव जाब्रथायजों खमैबो सा 114 सुबुंफोरनि जिउ गोमादों आरो सा 20 आ गावखौनो फोजोबनानै लादों।

मिज'रमाव क्रिसमासनि समाव दाय मावनायनि हारा दावखलायनाय फैदों



आइजल, 30 डिसेम्बर: मिज'रम पुलिसआ रेहायनि हां बोदों, मानोना सिगांनि रुजुनायाव बे क्रिसमास फोर्बोनि समाव दाय मावनायनि हाराव गोबां दावखलायनाय फैदों। थानाय बोसोरनि 8 डिसेम्बरवा गिबि मन्थि लालदुहमानि दैदेन्याय जरम पिपुल्स मुभमेन्ट (जेपिएम) सरकार फैनायनि उनाव खूष्टान गोबां राइज्योफोरगव बेयो नैथि क्रि समास फालिगासिनो दड। मिज'रमनि पुलिस गाहाइ बिथोनगिरि लालबियाकथंगा खियातेआ बुडोदि, क्रिसमास जथुम्माया गोजोनमोन। मानोना फोर्बोनि समाव राइज्योनाडे जेबो गिदिर आयेन बेवस्थानि जैना गैयामोन। आधिखालाव जर'खायै सिखाव खावनाय, फटखाखौ आयेन बेरेखायै फान्नायजों सोमोन्दो गोनां फिसा पुलिस केसमोन। नाथाय सिगांनि फोर्बोफोरनि रुजुनायाव दाय मावनाय केसआव गोबां दावखलायनाय

बिथोनफोरखौ सन्मान होनायनि थाखाय सुबुंफोरखौ बाख्नायो। पुलिसनि बायदिब्ला, 24 निफ्राय 29 डिसेम्बरनि गेजेराव राइज्योनि राजथावनि आइजल ओन्सोलनि गुबुन-गुबुन पुलिस स्टेसनफोराव गासै मोन 28 दायनिगिरि के सफोर थिसन्दों, जायनि गेजेराव सिखाव खावनायनि केसआव बयनिखुइ बांसिनै 22 मोन। बेयाव होबथाजानाय पटखा फान्नायनि थाखाय सानै सुबुंफोरखौ ग्रेप्टार खालामदोंमोन। बेरा फारसे जौ लौनायनि थाखाय सानै गुबुन दायनिगिरिफोरनि सायाव केस थिसन्दों।

स्मार्ट सिटि मिशनजों सहरफोराव थासारिया साबस्रांदों

गोदान दिल्ली, 30 डिसेम्बर : न'आ सहरारि हाबाफारि मावख'नि फारसेनिफ्राय सामलायनाय स्मार्ट सिटि मिशनआ डिजिटेल सोलौंथाइ गु दि - बि था या व साबस्रांनोनायजों लोगोसेनो सहरफोराव क्राइम कन्ट्रलआवबो मदत होदों। आइआइएम बेंगालुरुनिफ्राय बे मिशनखौ गोगोमखौ स्टाडि खालामनायनि बायदिब्ला, स्मार्ट लाइटि आरो पेनिक बाटन बाहायनायजों क्राइमआव दावखलायनाय फैदों आरो आइजो रेखाथिआ बांदों। 2023 नि नभेम्बरआव जागायनाय नायसंनय सेरिसनि गेजेरजों हादतनि मोन 29 गाहाइ फसंथानफोरा गुबुन गुबुन आयदाफोराव स्मार्ट सिटिनि मिशननि गोहोमफोरखौ लानाने 50 माहारियारि थाखोनि गोहोमखौ नायबिजिरदों। बेनि बागै आइआइएमआ सहरफोराव डिजिटेल सोलौंथाइ आरो क्राइम




कन्ट्रलनि गोहोमखौ नायबिजिरदों। स्टाजिनि बायदिब्ला, 93 स्मार्ट सहरफोराव 59,802 नि बांसिन सिसिटिभि केमेरा आरो इमार्जेन्स कल बक्स लागायनाय जादों। बेफोर सिसिटिभि केमेराया दरफोमबो सहराव बांनयनाय कन्ट्रल एन्ड कामान सेन्टरनि बाहागो, जायनि मदतजों सहरफोराव लाथिथै नोजोर लाखिनाय जादों।

बेबायदि नोजोर लाखिनायनि राहा लानायनि गेजेरजों नागपुर बायदि सहराव गासै क्राइमनि हारा 15 जौखोन्दी। स्टाडिआव बिबिन्दनो चेन्नाइ आरो तुमकु रूआवबो क्राइमनि हारखौ दावखलायनाय नुनो मोन्नायनि बाथ्राया सोरांआव फैदों। फारसे थिं 19 सहरफोराव मोन्नाय अन्जिमा बायदिब्ला, स्मार्ट सिटि मिशननि गेजेरजों स्मार्ट क्लास

रुम जागायनायजों गासै मुं थिसन्नाया 22 जौखोन्दी बांदों। बे फारागथिया 71 स्मार्ट सहरफोराव गं 2398 सरकारि स्कुलफोराव 9433 स्मार्ट क्लास रुम गायसन्नायनि जाहोनाव जाफुदों। फारसे थिं मोन 41 सहरफोरा डिजिटेल लाइब्रेरीजों लेस एबा फोनांजाव जादों। बेयाव सा 7809 सुबुंफोर जिरायनो हानायनि सुबिधा दें।

Memo No. BSA/Crime/Missing 10108/2024/5460
LOOK OUT NOTICE



The above is the photograph of Dharmendra Das (age 26 yrs), S/O- Deben Das, Vill- Silbari, PS- Simla, Dist- Baksa, Assam who had gone missing since 23/12/2024 when he went to attend the grade- IV Recruitment Examination.

A missing person entry was made at Simla PS, Dist- Baksa regarding disappearance of Dharmendra Das (age 26 yrs) vide Simla PS G.D.E. No. 11 dated 25/12/2024 (MMR No. 16/2024 dated 25/12/2024) and efforts were made by the OC, Simla PS to trace out the missing persons. However, the missing persons could not be trace out/recovered so far.

Descriptive Roll of Missing person:

(1) Height	-	5 Feet 6 inch.
(2) Complexion	-	Swarthy
(3) Language	-	Assamese, Hindi
(4) Hair	-	Medium and Black.
(5) Wearing	-	Black Tacsuit, Jacket.

Sd/-
Superintendent of Police
BaksaMushalpur

Janasanyog/D/11181/24/31-Dec-24

No. UDB/Tender/01/2022-23/ Date 30/12/2024

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequence to be converted and drawn up in the printed of F- 2 form are invited from the registered contractors of Class-II and Class-I (A, B & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24 during 2024-25 & other financial years as stated below. The tenders will be received by the undersigned up to 12.00 Noon on 22/01/2025 and will be opened on the same date & place at 2.00 P.M.

Sl. No.	Name of work	Tender Amount (In Lakhs)	Cost of Tender Paper	Time of Completion of Work
1	Land Dev with const of goal post at Niz Ghagra Redeemer club playground under Udalguri Dist under SYW	8,00,000.00	Rs.500.00	3(three) months from the issue of Formal Work Order
2	Land Dev of playfield at Hanglabasti LP School under Ambagaon VCDC in Udalguri Dist under SYW	7,00,000.00	Rs.500.00	3(three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 31/12/2024 to 22/01/2025 in the office of the undersigned on payment.

Sd/-
Block Development Officer,
Udalguri Dev. Block, Udalguri

IPR(BTC)-2023-24/1210

No. BDB/SOPD-104/2020-21/1921 Date 26/12/2024

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five) only with a validity period of 90 days, which will subsequently to be converted and drawn up in the printed of F-2 form are invited from the registered Contractors of Class-II and Class-I (A, B & C) category of Assam PWD(Roads) BTC, according to their eligibility for submitting tender for the following work under CHD, Sports & Youth Welfare BTC Kokrajhar. as stated below. The tender will be received by the undersigned up to 12.00 Noon. On 17/01/2025 and will be opened on the same date & place at 2.00 P.M.

Sl. No.	Name of Works	Tender Amount (Approx)	Cost of Tender Paper	Time of Completion of Work
1	Land Dev with const of goal post at Rampur Nathkuchi playground under Baksa Dist	7,00,000.00	250.00/-	3 (Three) Months from the date of issue of F.W.O.

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 01/01/2025 & 06/01/2025 in the office of the undersigned on payment in the form of Demand draft/Banker's Cheque from any Nationalized Bank, duly pledged in favour of the B.D.O. Baska Development Block Mushalpur, payable at S.B.I. Mushalpur.

Sd/- Block Development Officer,
Baska Dev. Block, Mushalpur

IPR(BTC)-2023-24/1205

Notice Inviting Tender No. 11 of 2024-25

Memo. No. PHEE/TNL/TB-125 (Vol -I)/2024-25/6143-48, Dated - 20/12/2024.

Separate Sealed tender in prescribe form affixing court fee stamp (Purchased in Assam) worth Rs. 8.25 (Rupees eight and paise twenty-five) only Non-Refundable eventually to be drawn in APWD F-2 form are hereby invited from the experience contractors/ Firms Registered class -I, I (B), I (C)/Class-II and III contractors under Public Health Engineering Department, Govt. of Assam & BTC for the under mentioned work and same will be received by the office of the undersigned upto 2.00 PM of 04/01/2025.

Tender such received will be opened on the same date and hours in presence of the Tenderers or their authorized agents who would like to be present. In case the opening day becomes a holiday, the Tenders will be opened in the next working day at the same.

Detailed N. I. T. may be seen at the office of the undersigned on the working day up to 12.00 noon of 04/01/2025.

The undersigned reserve the right to accept or reject any or all Tenders and he does not bind himself to accept the lowest rate.

Sl. No.	Group No.	EMD (In Rs.)	Name of Work	Value of Work
1)	(A)	General: Rs.10,000.00/- & ST/SC/OBC/ UGE/UDE Category Contractor: Rs.5,000/-	Providing Drinking Water Facility and Sanitation arrangement for 65 th Bodo Sahitya Sabha Conference at Dimakuchi in Udalguri.	Rs. 5,00,000.00
2)	(B)	General: Rs.6,000.00/- & ST/SC/OBC/ UGE/UDE Category Contractor: Rs.3,000/-	Providing of Arrangement of Temporary Toilets for VVIP Visits at different Location for 65 th Bodo Sahitya Sabha Conference at Dimakuchi in Udalguri.	Rs. 3,00,000.00

(Sd/-)
Executive Engineer (PHE)
Tangla Division, Tangla

मुलुगआव जुजिलायनाय-बुथारलायनायनि उल्थायै सान्थि हान्जा गैयै माखासे हादरफोर

मुलुगानि खावसे दर्जन हादरफोरनि सान्थिआ दावहा फोथारआव जुजिगासिनो दड। बेखौ नोजोर होना बेबादि दावराव-दावसि एबा दावहानिफ्राय जानगारआव थानाय मुलुगआव माबा हादर दड नामा होनाय सौंथिबो सिखाडो। बेनि फिन्नायखौ खावसेआ गैया बुंनो हागौ। मानोना गासैबो हादरआनो गावनि रेखाथिनि थाखाय सान्थि हान्जा दानानै हादरखौ रेखाथि होयो। नाथाय सोमोनांथावदि, मुलुगआव माखासे हादरफोरबो दड, जायहा गावनि सान्थि हान्जायानो गैया। दरप्रोमबो हादरआ सान्थि एबा आर्मि आरो पुलिस हान्जा दड। आर्मिआ हादरनि सिमनाफोरखौ आरो पुलिसआ हादर सिडव रेखाथि होयो। मुलुगानि आर्मि गैजायै हादरफोर जाबाय-



फ्रान्सनि भुमध्य लैथो बोरिमायाव दड। बेहा गावनि आर्मि गैया। बेखौ फ्रान्सनि सान्थिआनो रेखाथि होयो। बे राइज्योआव 31,000 थागिबिफोर दड आरो सा 2 सान्थि दड, जायफोरनि सासे सान्थिआ राजकुमारनि आरो गुबुन सासेआ नोगोरारिफोरनि थाखाय।

(2) मरिशास:- भारत लैथोमायाव थानाय दरसे द्वीप राइज्यो मरिशासआव 13 लाख थागिबिफोर दड। बेयावबो रावबो नेमखाथिथारिये थिसनजानाय हाथियार लाग्रा सान्थि गैया। बेयाव 10,000 पुलिस मावफारियाफोर दड, जाय बाइजो आरो इंसि फारसैबो राइज्योखौ रेखाथि होयो।

(3) कस्टारिका:- गेजेर आमेरिकानि सुइजारलेन्ड होन्ना बुंजानाय कस्टारिकाहाबो गावनि आर्मि हान्जा गैया। बेयाव 1948 माइथायाव गिखंथाव नख 'र दावहा जानायनि उननिफ्राय सान्थिखौ फोजोबना होदो, बेनिफ्रायनो बैयाव आर्मि गैया, पुलिसल' दड आरो बिसोरो इंसिडरि आयदाखौ सामलायो।

(4) आइसलेन्ड:- इउरपनि नैथि देरसिन आरो जोबोद समायना द्वीप आइसलेन्डहाबो गावनि सान्थि हान्जा एबा आर्मि गैया। आइसलेन्डआ नाट'नि सोद्रोमा आरो आमेरिकाआ बे हादरनि रेखाथिनि बिबानखौ लायो।

(5) ग्रेनाडा:- ग्रेनाडाआ केरिबियान सागरआव लेसर एन्टिल्लसनि सा बाहागोआव दरसे द्वीप राइज्यो। बेयावबो रावबो सान्थि गैया। बल्कि गयल ग्रेनेडा पुलिसआ बे बोरिमाखौ रेखाथि होयो आरो इंसिडरि आयदाखौबो सामलायो।



पाकिस्तान आरो आफगानिस्तान सान्थिनि गेजेराव दाडबाजि, सा 8 सुबुंफोरनि जिउ गोमाबाय

खैबर पख्तुनख्वा, 30 डिसेम्बर: आफगानिस्तानआव पाकिस्तानआ एयार स्ट्राइक खालामनायनि उननिफ्राय दरनै हादरनि गेजेराव जेना सोलिदो। दरनैबो हादरआ गावनि सान्थिफोरखौ सिमनायाव थिसन्दो। सुलुंनि बादिब्ला, सिमनायाव सोलिबाय थानाय दाहाबाजिनि समावनो आफगानिस्तानआव खमैबो सा 8 सुबुंफोरनि जिउ गोमादो आरो सा 13 जोखोम जादो, जेराव नोगोरारिफोरबो दंफायो। बे जाथाया शनिबारनि हरसिम सोलिदोमोन। मख 'जाथावदि, सोलिफु सप्ताहनि जागायजेन्नायाव पाकिस्तान सान्थिनि उरांआ आफगानिस्ताननि सान्जा पकटिका राइज्योआव टिटिपिनि केम्पफोरखौ थांखिना गग्लोबनायनि उनाव जेनाया बादो। बेनि उनावनो गोखौ गुलि गावज्जलायनायबो जादोमोन। दरनै न 'सुंसे मुस्लिम हादरनि गेजेराव बे जेनाया बै समाव जागायो जेब्ला आफगानिस्ताननि उतरखारिफोरा पाकिस्तानआव हाबफैखोमानो नाजानायाव फेलें जादोमोन। बेनि उनाव



शनिबारकालि फिन दावहा जायो, जेराव फ्रन्टियार करनि सासे सान्थिआ मुख्लं जायो आरो गुबुन सा 11 जोखोम जायो। सुलुंनि बादिब्ला, थानाय शुक्रबारखालि हरआव उतरखारिफोरा पाकिस्तानआव हाबखोमानो नाजादोमोन, नाथाय पाकिस्तान सान्थिआ बिसोरनि थांखिखौ फेलें खालामदो।

सिमांनि रानि

लोगो मोनजेनदोमोन आं नोंखौ सोरगोनि सिमांफुरि राइजोयाव, मोजां मोन्दोमोन आं नोंनि सिमांनि रानि महरखौ। नाथाय नों मानो आंजो मोकथांआव नुजाफैया? नों मानो मोकथांनि रानि जानानै नुजाफैया? खालि सिमांआवल' सिमांनि रानि महरै नुजाफैयो नों आंनि सिगाडव। लादोमोन आं नोंखौनो मोकथांआव जिउनि रानि, नाथाय नों आंखो मानो सिमाडव जावलिखा खालामबाय थायो? आंदि नोंखौनो सिमांनि रानिब्लाबो बै सिमांफुरि राइजोयाव आलो गोजोने थानो सान्दो।

मोदैनि बाना

दुखु दाहायासो सारलोबजोबदो सुबुंनि समायना मुलुग संसारखौ, अन्जिमा गैयै थैनि बोहेनाय, नाथहर हनै सुबुंनि रैरुब बिखानिफ्राय। बयबो बोजबनानै लादो हेव साननायखौ फोजोबनो सानदो संसारनि गोजोनखौ, अनलायनायबो गैलिया, सानलायनायबो गैलिया गोमा लांनो हमबाय गोजोननि बेन्दोआ। सुखु गोजोन गासैबो, बे संसाराव..... सोलायजोबबाय दुखुनि बेन्दोयाव, बयनिबो मेगनाव मोदैनि बानायाल' जय-जय बोहेनो लागै बाहा लादो। सुबुंनि जिउनि गोजोननि जुजि लायनायाव, खोमसियासो देरहासाद जानो हादो। गोजो अखोरनि अखाफोरनि साथिनायखो, गोसोम जोमेआसो जोखोबनानै लानो हादो। बयबो दुखुखौ हमदांनो हायो, नाथाय! गोजोननि बेन्दोखौ, लाबोनो नाजानायाव दुखुनि मोदैआ, लोगोयाव एसे सिथाबना फैयो।

मुस्त्रि जांगिला ब्रह्म
ला:सो:- बनरगाव,
जिला- कक्राझार, बि टि सि (आसाम)

मुस्त्रि फैलाव बसुमतारि
ला:सो:- सट 'निलिबारी

रंजालि गथ'फोरनि सौरा

ओंखायनो जानो नाड बादुला

जिउ
मोनसे
दैदेनो
नोंबो आंबो
अराय बोथोर खामानि मावनांगो

जिउ
मोनसे
दैदेनो
नोंबो आंबो
जानांगो जायो मावथि जोहोलाव

जिउ
मोनसे
दैदेनो
नोंबो आंबो
माबा मोनसे आखाइ सोमाव नांगो

जिउ
मोनसे
दैदेननाय
गोरलै नड
ओंखायनो जानो नाड बादुला

-रैदोम बर', बाक्सा

दाबो मोजां मोनो

नोंखौ आं दाबो मोजां मोनो प्राण गावनि गिबि आरो जोबथा साननानै। नाथाय नोंसो.....? नों मानो दासिमबो बुजिनो रोड, गोसो सिनि रावखौ गोबां बाश्रा बुंनंगो दं आंहा नोंनि सिगाडव। नाथाय नों मानो खोनासंनो बायो? मोजां मोनायखौ नोंनो बेखेवगोदोमोन नागारनायखौबो नोंनो बेखेव सिगोन नामा? नोंनि फावआनो मिथिहोबाय आंखौ नोंदि आंखौ नागारबाय होन्नानै दान्दिसेनि थाखायल 'ब्लांलाय मानो मोजां मोनामोन नों आंखो? सान्दो नामा नों लाभ आ टायेम पास होन्ना? गुबुननि थाखाय बियो थैजासिमनिसो। नोंनि मुडनो आंनि जिउ (प्राण) जाय जिउ गैयाब्ला आं थाना थानो हाया मानोना प्राणनि सोदोबथियानो जिउ।

मिस देखो राणी ब्रह्म
गामि- सा सुकानिपारा
ला:सो:- खाग्राबारि,
जिला- चिरां, बि टि सि (आसाम)

जाबाय आं दुथामि

आंनि जिउनि हाहाहोगिरी अनजालु आन्जालि, बिफा बिमाफोर गावसोरनि गोसो गोबोआव हाजासे, गोथार मिजिं लानानै दोनहरदोमोन, दिने आंखौ टावन-सह'राव, स्कुल, कलेज फरायनो। बुरलु बुरला खालामनानै गावसोरनि बिखानि थैखौ दै खालामनानै, हरदोमोन रोजा रोजा रं गावनि फिसानि नांगो बादिदै। नाथाय दिने मोनथिया हसिया, सह'रनि गुदु बारजो बारफानानै गावनि सान्नाय हनायखौ सोलायबाय, बिफा-बिमानि मान-इजोदखौ बावगारबाय। लिरनाय-फरायनायआबो जाबाय लैथोनि दै दाहारआव गोजावनाय खोमस्लिफानफोरा बायदि थांखि गैयै। सानफ्रोमबो सह'रनि ग'लायावल', जौ, सिगारेट आरो थांखु सोबै-सोबै समखौ आं बारहोदोमोन। गावनि जौमोननि हाबिलासखौ सानहरनो सम आरो बोथोरआबो गैला आंहा, खालिबोल' नांगो-नांगो-नांगो जौ, जुवा आरो सिगारेट। गिनाय, लाजिनायआबो गोमा जोबबाय, लामा सामा सिख्ला सासेबो बारग'लिया.... हाय! आं मादि मावफोनांखो.... थारैनो जाबाय आंबो सासे दुथामि।

मुस्त्रि प्रफुल्ल नार्जारी
ला:सो:- दतमा

खौसे गोसो

बेसे गोदै बेसे गोजोन दिनेनि समा। थागोन जों दिने खौसे गोसोयै सिबि लांगोन जों सुबुं समाजखौ। फुंबिलिनि जारां साना- आलो गोजोन ओंखारबोगौ मिनिस्तु जानानै, सैथोनि गोजोन लामाखौ संदाननानै खोमसिखौ सोरां खालामनो होन्नानै। मिजिं जोंनि हारिमु सिबिलांनयनि, बुहुमाव मोनसे माहारि सिनायथि होलांनयनि। हिन्दु, मुसलिम, शिक, ख्रिष्टान थागोन जों खौसे गोसोयै, गोसो जोंनि प्रशान्त लैथोमा बायदि साननाया जोंनि हिमालय हाजो बायदि, जाति धोराम रावखौबो नेवसिनो हाया जों थागोन जों खौसे गोसोयै।

थरायना प्रियंका ब्रह्म
ला:सो:- कक्राझार

बर फिसाफोर

नै बर' बिमानि आंगो फिसाफोर, जाखो मानो नोंसोर गावजो गाव सुथुर। गावजो गाव दान्थार सुथार रावबो गैया खौसे हनै नाथर बर'थिया सुबुंफोर- गावजो गाव एना एनिखौ नुनानै बर' हारि गोदोलांनो नागिरनायखौ नुनानै दुखुथिया बर' बिमाया बैसोमुथि बिखायाव जग्रबनानै मेगनाव मोदै खुगायाव खुदै लानानै हनै खानाय आइलि-जाइलि गाबै गाबै बुंदो- 'आय' आंगोनि फिसाफोर दाजासै नोंसोर गावजो गाव एना एनि सुथुर- खौसे जादो फिसाफोर खौसे जादो। खौसेनि दौलेंजो खजबजादो फिसाफोर।' बर' बिमानि खावलायनायखौ नाजावदो बर'फोर, बयबो जों बिमा सासेनिनो फिसा बयबो जों बिदा-फंबाय, बिब'-बिनानाव जों बयबो गावजो गाव खौसे जायाब्ला- एना एनि गावजो गाव सुथुर जायोब्ला- गोमालांगोन सानसे आगोमा बर' हारिया। अब्ला बर' बिमानि मेगनिन मोदैआ रान्नो रोंनाय नड। नै बर' बिमानि आंगो फिसाफोर, फे जों बयबो खौसे जादिनि। फे जों बयबो हारि सिबिलांनि।

थरायना बिदांश्री बसुमतारि
गामि-सिमलागुरी (दतमा)
जिला- कक्राझार
इउ.एन. एकाडेमि, कक्राझार

गोसो थोफ्लांबाय आं

गोसो थोफ्लांबाय आं नोंखौ सं ना; मा होन्नानै रायज्जलायबावगोन आं नोंखौ लोगो मोनबोला सना। जाया नंड जाबाय नोंबो सासे महर गोसा नोंबो सासे महर गोसा सिखोला; फसाया नंड फसायफ्लांबाय आंनि जावलिखा गोसोआबो। गोजावनांबाय आं नोंनि महरावनो रायखोमा जानांबाय आं ; सुबुंजो हिनजावनि फागोला बखि जानांबाय आं लामा-सामा। दोहो-दोहो खामगिल लांडे आंनि सोलेरा दुखुनि मोदैजो लोमसाव फैयो; जेबोला नोंनि हायना गोनं महरखौ गोसोखांडे हाया आं नोंखौ बावनो हाया। नोंनि मिनिनाय नोंनि रायज्जलायनाय दिने नुयै गामोनबो नुयैनो; गोसो थोफ्लांबाय आं नोंखौ सना नों मानि-दामानि। नाथाय नागिरै-नागिरै मोनबायमोन आं सायखना नोंखौल बे जोनोमाव; मोनहां-मोनाहां जागोना जाया आंनि गोसोजो हास्थायनाया। बेयो आं अराय सम नोंनि गुरै रावनि फिन्नाय सना; आंनि गेप्रेब देरानि दरखांआव।

रामनाथ बसुमतारि
ला:सो:- निउ बडइगाव
जिला-चिरां, बि टि सि

हाजोआव बरफ गोग्लैनायनि गेजेरजों हायेनाव खुवा आरो अखानि एलार्ट

गोदान दिल्ली, 30 डिसेम्बर: हाजोयारि राइज्योफोर जम्मु-काश्मीर, हिमाचल आरो उत्तराखण्डयाव थांनाय रबिबारखालि बरफ आरो अखानिफ्राय एसे रेहाय मोनो। बेनि गेजेरजों सरकारि मे शिनारीआ थासारिखौ सरसनस्त्रा खालामनो थाखाय हाबाफारिखौ गोखौ खालामो। आथिखालाव दासिमबो जेबो रेहाय मोनाखै। हाजोफोराव बरफ गोग्लैनायजों जागायनाय सुहाबनाय गुसुनि गोहोमा आथिखालाव सा-भारतनि माखासे राइज्योफोरवनो नुनो मोन्दों। दिल्लीयाव रबिबारखालि बिदुंखौ सरसनस्त्रानिखुइ 2 डिग्री सेल्सियसनि गाहायाव दिखानो मोन्नाय जादों। दिल्लीयाव बिदुंखौ मिनिमाम 13 डिग्री आरो मेक्सिमा 18 डिग्री सेल्सियस दिखानो मोन्दों।




हारियाणायाव 4.6 डिग्री मिनिमाम बिदुंजों लोगोसे बालसमन्द राइज्योयाव बयनिखुइ गुसुसिन जादों। बे राइज्योनि मोन 9 जिल्लाफोराव मिनिमाम बिदुंज 12 डिग्री सेल्सियसनिफ्राय गाहायसिनाव थाडो। राजथावनियाव समबारखालि रोजा खुवा खुनो

हागौ होन्ना बोथोर बिफानआ सन्देह फोरमायदों। बिफाननि बायदिब्ला, दिल्लीयाव समबारखालि मेक्सिमाम आरो मिनिमाम बिदुंज 18 आरो 6 डिग्री सेल्सियसनि खाथियाव थानो हागौ। बेराफारसे उत्तर प्रदेशनि बांसिन जिल्लाफोराव खुवानि येल एलार्ट फोसावो। सहारनपुरनिफ्राय लानानै गरखपुर-कानपुरसिम खुवा साग्लोबगोन। बेनि गेजेरजों माखासे सहरफोराव बिदुंज 3-

4 डिग्री सेल्सियससिम दावखलायनो हागौ, जायजों खुवानि थासारि सोमजिनो हागौ। बेराफारसे राजथावनि माखासे जिल्लाफोराव दिने खुवा आरो निहिर गोग्लैनायनि एलार्ट फोसावो। फारसेथिं पान्जाबनि माखासे जिल्लाफोराव रबिबारवाबो सरसनस्त्रा अखा हायो। काश्मीर हायेनि बांसिन जिल्लाफोराव बिदुंज 0 नि गाहायाव सौहैदों।

जानुवारीआव गोबां फिचार्सनि फन लन्च खालामनायनि मिजिं दं



गोदान दिल्ली, 30 डिसेम्बर : 2024 आ जोबनो माखासे घन्टाल' दंसे। टेकन'लजिन नोजैरे बे बोसोरा जर'खा होन्ना बुंजानाय जादों। मानोना बे बोसोराव गुबुन गुबुन सेगमेन्टआव गासैबो स्मार्ट फनआ लन्च जादों। फैगौ गोदान बोसोराव कम्पनीफोरा गुबुन गुबुन रेन्जआव फन लन्च खालामनो थाखाय थियारि खालामदों। गोदान बोसोरनि जागायजेन्नायाव गेलेक्सी एस 25 सिरिजखौ लन्च खालामगोन। सिगानि बायदिनो सामसांआ गोदान रेन्जखौ जानुवारीआव लन्च खालामगोन। गेलेक्सी आनपेकड इन्हेन्टआ 22 जानुवारीआव खुंजागोन। बेयाव गेलेक्सी एस 25, सामसां एस 25 प्लास, सामसां एस 25 स्मि आरो सामसां एस 25 आल्ट्राखौ लन्च खालामनाय जागोन। सिरिजआव स्नेपड्रगन 8 इलाइट प्रसेसरखौ मोनगोन, जाय क्वालकमनि बयनिखुइबो लेटेस्ट चिपसेट। वानप्लास 13 आरो वानप्लास 13 आरखौ 7 जानुवारी 2025 आव लन्च खालामगोन। वानप्लास 13 आव स्नेपड्रगन गोबां प्रसेसर थानायनि आसा दं। बेयाव 2 के रिजल्युसन गोनां 6.8 इन्सिन एलटिपिआ एमलेड डिस्प्ले थागोन। फारसेथिं वानप्लास 13 आरआव स्नेपड्रगन 8 जेन 3 प्रसेसर थागोन। बेराफारसेथिं रियेलमि 14 सिरिजआव रियेलमि 14 प्र आरो रियेलमि 14 प्र प्लास स्मार्टफन मडेलआ दंफायो। बेफोर स्मार्टफनआ ट्रिपोल फ्लेस सेटआप आरो उन्थिं गाब सोलायहोरा जिजाइलजों लेस गोनां जागोन। डिभाइसआव 6.7 इन्सिन एमलेड डिस्प्ले थागोन। रेडमि 14 सि 5 जिआ 6 जानुवारीयाव मुलुगनां लन्च जागोन। बे फनआव 6.68 इन्सि डिस्प्ले थानो हागौ आरो बेयाव स्नेपड्रगन 4 जेन 2 प्रसेसर मोनगोन। बेयाव ड्युले 5 जि सिम सापर्ट मोनगोन।

No.ACE-106/PWD/IFB/PT-I/2023-24/114 Dated Kokrajhar the 30th Dec/2024
TENDER NO. 47 OF 2024-25
PRESS NOTICE
(e-Procurement)
 The Addl. Chief Engineer-cum-Director, PWD, BTC, Kokrajhar invites fresh bids on behalf of Governor of Assam for 2 Nos. of works under Executive Engineer, PWD, Kokrajhar District & Chirang District, Territorial Building Division, Kokrajhar, & Udalguri District & Baksa District (B&NH), Territorial Building Division, Udalguri amounting to **Rs.119.54 Lakh** (Approx.) from the eligible contractors registered under Class-II, & Class-I (A,B&C) category under PWD (Buildings), Assam or BTC.
 Details may be seen at website <http://assamtenders.gov.in> and also at the office of the undersigned during office hours.
NB: Rate quoted will be evaluated as per BTC, Govt. Notification vide No.BTC/PWD(R)-11/2009/Pt.II/139, Dated Kokrajhar the 22/02/2023
 Sd/-
 Addl. Chief Engineer, Cum Director, PWD,
 Bodoland Territorial Council, Kokrajhar
 IPR(BTC)/C/2024-25/1212

No.GDB-242/15th FC/Tied/2022-23/93 Dated Gossaigaon the 30th Dec./2024
NOTICE INVITING TENDER
 Sealed Tender are invited in F-2 Form for the works shown below from the intending Registered Contractor of Class-I and cClass-II (A, B & C) category of Assam PWD (Roads & Building) & PHE with affixing Non-refundable court fee of Rs. 8.25 (Rupees Eight and paise twenty five) only in a prescribed Form under Award of 15th Finance Commission (Grand No. 66) for the year 2023-24 during 2024-25. The Tender will be received on **21-01-2025** upto 1:00 PM in the Office of the undersigned and will be opened on same day at 1:30 PM in the Office of the undersigned and C.S. will be submitted to

Sl. No.	Name of work	Estimated amount	Bid Security	Cost of BID documents (D/D) @ 0.03% (Approx.)	Time of completion
1	Const. of Community Toilet at Hakma VCDC Office.	Rs. 11,00,000/-	Rs.11,00,000/- @ 1% for ST/SC/OBC & Rs.22,00,000/- @ 2% for General	Rs.330/-	6 (Six) Months from the date of issue of work order.
2	Const. of Community Toilet at Mahamaya Mandir.	Rs. 11,00,000/-	Rs.11,00,000/- @ 1% for ST/SC/OBC & Rs.22,00,000/- @ 2% for General	Rs.330/-	

The Terms and Condition details may be seen at Notice Board in the Office of the Block Development Officer, Gossaigaon Development Block from **30-12-2024 to 21-01-2025** upto 1:00 PM.
 Sd/-
 Block Development Officer,
 Gossaigaon Dev. Block, Gossaigaon
 IPR(BTC)-2023-24/1211

जाब्रबथायनि माखासे मिनिट सिगां पायलटआ 'मेडे' नि सांग्रांथि फोसावदोंमोन

सिउल, 30 डिसेम्बर: खोला करियाआव थांनाय रबिबारखालि जानाय उरां जाहाज जाब्रबथायाव सा 179 सुबुंफोरनि जिउ गोमानायजों गासै मुलुगआनो दुखु मोन्दों। आथिखालाव बे जाब्रबथायनि जाहोनखौ नायबिजिरगासिनो दड। आमेरिकानि मोनसे नायबिजिरगा हाञ्जाआबो खोला करियाआव सौहैखांवाय आरो बिसोर जायगानि बिबानगिरिफोरजों लोगोसे गोरोबलायनानै बे जाब्रबथायखौ नायबिजिरगासिनो दड। बे जाब्रबथायखौ उरां जाहाजनि दावजों सौग्रावनायाव जादों होन्ना सन्देह खालामदों आरो जाब्रबथायनि माखासे मिनिटनि गेजेरवनो गासै उरां जाहाजआ खामनानै सेवहांगराव जायो। माखासे मिडिया रिपटफोराव दाबि दैखाडोदि, मुआन एयार ट्रेफिक कन्ट्रोलरआ उरां जाहाजजों दाव सौग्रावनायनि एलार्ट दैथाय हरदोंमोन। आथिखालाव सन्देह खालामोदि, मासे दावआ उरां



जाहाजजों सौग्रावनायजों उरां जाहाजनि गियारआ गेवयाखै। जाब्रबथायनि माखासे मिनिट सिगां पायलटआ 'मेडे' शोदोबखौ पायलट एबा उरां जाहाजनि केपेटेनाव इमार्जेन्सि थासारियाव बाहायो। जेब्ला गासै दावबायारिफोरनि जिउआ अलखदाव गोग्लैयो आरो पायलटनियाव रैखा

खालामनायनि जेबो एषण थाया अब्ला बिसोर एयारपर्टफोराव थानाय गासै सेन्टारफोराव इमार्जेन्सि कल खालामो। मख'नो गोनांदि, खोला करियानि जेजु एयारलाइन्सनि बई 737-800 उरां जाहाजआ थाइलेन्डनिफ्राय खोला करिया फारसे फैगासिनो दडमोन। नाथाय मुआन हारियायारि उरां

जाहाज गाथोनाव बागलायनाय समाव क्रे स जायो। उरां जाहाजआ रानवेआव स्लीप दानानै मोनसे अवालजों सौग्रावो आरो बेयाव बेफुना अर नाडो। बे उरां जाहाजआव कुजों लोगोसे सा 182 सुबुंफोर गाखदोंमोन। बेयाव सानैनि जिउआल' गोथाडे'नो बारा'यो।

तालिबानआ आइजोफोरनि बाइजोआव नायहरनायखौबो बेन खालामबाय

काबुल, 30 डिसेम्बर : आइजोफोरनि सायाव सोमोनांथाव फरमान फोसावनायनि थाखाय तालिबानआ जेब्लायबो खौरांआव फैयो। फिन खेबसेबाव आफगानिस्तान खुंथायाव थानाय तालिबान सरकार आइजोफोरनि थाखाय मोनसे फरमान फोसावदों। तालिबाननि जौसिन दैदेनगिरिया मोनसे सोमोनांथाव बिथोन फोसावदों, जेराव सुबुंफोरनि न'फोराव खिरखि होनायखौ होबथानाय जादों। तालिबान सरकारनि बुंथिगिरिया फोसावनाय मोनसे फिन्यायनि बायदिब्ला, गोदान न' एबा बिल्डिंफोराव खिरखि थानो मोन्नाय नड, जाय खिरखिजों न'नि लांगोना एबा सिथला, संग्रा न', न'सुंसेनि दैखर आरो सरसनस्त्राय आइजोफोरा ओंखाया एबा खामानि मावग्रा जायगाखौ नुहरो। सशेल मिडिया प्लेटफर्मनि एक्सआव



पस्ट होनाय फरमानआव बुंथिगिरिजिबहुल्लाह मुजाहिदआ बुंदों, संग्रा न', लांगोना-सिथला एबा दैखरफोराव आइजोफोरखौ खामानि मावनायाव नायहरनाया समाज बेरेखा आबुखौ बांहोयो, नोगोरनिगम बिबानगिरिफोर आरो गुबुन सोमोन्दो गोनां बिफानफोरा न' लुनायखौ नोजोर होनांगोन। 2021 नि आगस्टआव तालिबानआ आफगानिस्तान खुंथायाव फैन्यायनि उननिफ्राय आइजोफोरखौ राइज्योयारि जायगाफोरनिफ्राय लासै लासै होबथानाय जादों, जायनि जाहोनाव इउएनआ बेयावनि

खुंथाय गायसन्नाय 'लेंगिक रंगभेद' खौ गोखों रावजों सौंखारिदों। तालिबान बिबानगिरिफोर हिन्जावसा आरो आइजोफोरनि थाखाय गुदि सोलौंथाइनि उनि एबा गोजौसिन सोलौंथाइ लानायखौ होबथानायनि अनगायै आइजोफोरनि न'निफ्राय बायजोआव खामानि मावहैनायखौबो होबथादों। बावैसो सिगां तालिबान सरकार मोनसे आइन लाबोना आइजोफोरनि दैखो रोजाबनाय आरो खन्थाइ आवरयनायखौबो होबथादों।

चीनआ रकेट बायदि गोख्रैथिजों खारग्रा गोदान बुलेट ट्रेन दिहुनबाय

बेइजिं, 30 डिसेम्बर: चीनआ थांनाय रबिबारखालि गावसोरनि हाइस्पीड बुलेट ट्रेनफोरनि आपडेटेड वर्जनखौ दिन्थियो, जेराव दाबि दिखाडोदि, नायबिजिरनाय समाव बेयो घन्टयाव 450 किल'मितार गोख्रैथिजों खारो। चाइना स्टेट रेलवे ग्रुप कम्पनी (चाइना रेलवे) नि गेजेरजों बानायनाय गोदान सिआर 450 प्रटयइपजों दावबायनाय समाव मख'जाथाव दावखलायनाय फैयो आरो कानेक्टिभिटीयाव सावसांनयनि मिजिं दड, जायजों हादतनि गोबां अन्जिमानि दावबायारिफोरनि थाखाय बांसिन सुबिधा गोनां जागोन।



रिपर्टनि बायदिब्ला, सिआर 450 प्रटयइपआ घन्टयाव 450 किल'मितार गोख्रैथिनि आन्जाद नायनायखौ जाफुंसारनो हादों। सिबिथायाव थानाय सिआर 400 फु किंस हाइ-स्पीड

रेलनिखुइबो गोबां गोख्रैसिन, जाय घन्टयाव 350 किल'मितार गोख्रैथिजों खारो। चीन रेलवेआ बेनि सोमोन्दे बुडोदि, बिसोर प्रटयइपनि थाखाय आन्जाद नायनायफोरनि मोनसे सिरिजनि

बेबस्था खालामगोन आरो टेक्निक खौ गोरलैसिन खालामगोन, जायजों सिआर 450 खौ थाबेनो सिबिथायाव सोफानो हायो। गोदान मावख'यारि अन्जिमाफोरनि

बायदिब्ला, चीननि हाइ स्पीड रेल ट्रेकआ गासै 47,000 किल'मितारसिम सौहैखांवाय, जाय हादतनि गाहाय सहरफोरखौ सरजाबो। चीननि बायदिब्ला, एइएसएसआर नेटवर्कआ हादतनि रंखाथियारि आरो समाजआरि जौगाखानायाव गाहाइ बिफाव लायो। बेजों दावबायनायनि समआ खम जायो आरो रेलवे लामाफोरान टेक्नल'जि जौगाखानाया बाडो। सार्भेनि बायदिब्ला, बेइजिं-शंघाइ ट्रेन सिबिथाया बयनिखुइ मुलाफ्फा गोनांमोन आरो गुबुन सहरफोराव नेटवर्क आ दासिमबो गोसो बोनो हाथाव जानो हायाखै।

हाइड्राबादआव 1 रोजा गान्जा चकलेट जब्द' खालामदों

हाइड्राबाद, 30 डिसेम्बर : हाइड्राबाद एक्साइज पुलिसआ अडिशनफ्राय फैबाय थानाय गंसे बासनिफ्राय 1 रोजा गान्जा चकलेटखौ जब्द' खालामदों आरो दायनिगिरि अनिल कुमारखौ ग्रेटर खालामनाय जाबाय। बिबानगिरिफोरनि बायदिब्ला, पुलिसआ गान्जा चकलेट लाबोबाय थानायखौ संगालि खौरां मोन्दोंमोन। बेनि उनाव पुलिसआ कावेरि ट्रेभेलनि बासखौ कडाद रामपुर रडआव होबथादों। सिग्रोमनायनि गेजेरजों बिबानगिरिफोरा 1 रोजा गान्जानि चकलेट मोन्दों, जायखौ फान्नो थाखाय लांबाय थागासिनो दंमोन। पुलिसआ अडिशन थिगिबि सुबुं अनिलखौ ग्रेटर खालामबाय। नायबिजिरनायाव मिबथिनो हायोदि, बिसोरो गान्जा चकलेटखौ हाइड्राबादआव लेबारफोरनो मोनफ्रोम चकलेटखौ 30 रंआव फानोमोन। बिसोरनि बेरेखायै केस थिसन्नाय जाबाय।



बरबेडेरा ब्यप्टीस्ट चार्चनि 100थि बोसोरारि फोर्बोआ थुंगेबाय

कलाइगाव, 30 डिसेम्बर: रंजा-गोजोन थारासिनि गेजेरजों बिटिआर उदालगुरि जिल्ला कलाइगावनि सिडाव थानाय बरबेडेरा ब्यप्टीस्ट चार्चनि 100 बोसोरारि फोर्बोआ थुंगेबाय। मख'नो गोनांदि, थानाय 27, 28 आरो 29 डिसेम्बरसिम सानथामनि हाबाफारिजों 100 बोसोरारि फोर्बोआ जाफुंसारि खुंजाबाय। मख'नो गोनांदि, 1924 माइथायाव गायसनजानाय बे चार्चआ 2024 माइथायाव 100 बोसोर आबुं जाबाय। फोर्बोआ उदालगुरि जिल्लानिफ्राय फेनाय खुध्रान धोरामारि सुबुंफोरा गसै हाबाफारियावनो बाहागो लाफेदों। जागायजेन्नायावनो सानथामनि हाबाफारिजों



खुंजानाय 100 बोसोरारि सिजेसिसि नि आफादगिरि फोर्बोआ नि फिर्फिलाखों नेल्सन दैमारीआ बिरहोजेनो।

बराय बिबुथि लाखिदों मावफुं आफादगिरि प्रलय कुमार दैमारी, 100 बोसोरारि फोर्बोआ गहाइ गेटखों बेखेवदों पास्टर बरबेडेरा बिसिनि पाबिन मुसाहारीआ। लोगोसेनो इशोर जिस्मिनि आर'ज सिबिथाय सामलायदों नेहाथारि उ तपल मुसाहारीआ। बेनि उनावनो गिर्जानि बेलखों दामनानै 100 बोसोरारि फोर्बो खुंजायखों पयाबति दैमारीआ बेखेवना होयो। मख'नो गोनांदि, गुबुन गुबुन गेलेनाय बादायलायनाय, मोसानाय-मुसुन्याय हाबाफारिबो खुंजाय जादों। हाबाफारियाव आसाम सरकारनि बाराग' सुबुं देहा कारिकरि बिफाननि मन्थि रहिन

कार्बि आंलं जिल्ला बर' थुनलाइ आफादनि... बर' थुनलाइ आफादनि आफादगिरि आरो साहित्य एकाडेमि बान्था मोनगिरि अरबिन्द उजिर आरो जिल्ला दुलाराइ बर' हारिमु आफादनि आफादगिरि नकुल चन्द्र ब्रह्मआ। मुंख्लोफोरोनो बिबार बाउजेनो बर' थुनलाइ आफादनि लेडाइ आफादगिरि गबिन बसुमतारिआ। बेनि उनाव गेवलां मेल खुंजाय जायो। मेलाव आफादगिरिनि मासि सामब्लायो बर' थुनलाइ आफादनि आफादगिरि अरबिन्द उजिरआ। बे मेलाव कार्बि आंलं जिल्ला गावखुंथाय हायुनि मावफुं सोद्रोमा बिलिमहन खाख्लारि, साहित्य एकाडेमि बान्था मोनगिरिफोरनि गेजेराव फारिये रितुराज बसुमतारि, उ प्रेमानन्द मुसाहारी आरो रबेस्वर नार्जरीजों लोगोसे बर' थुनलाइ आफादनि बाराग' लेडाइ आफादगिरि बिसेस्वर बसुमतारि आरो कार्बि आंलं जिल्लानि सिगां सारिनि बर' माहारियादि दोलोनि बिबानगिरिफोर बाहागो लायो। बे मेलाव खन्थाइगिरि थानेस्वर गयारीनो 'थाउजेन्द्र बसुमतारि गोसोखों थुनलायारि बान्था' आरो सानै फरायसाफोर फारिये जारिमिन बसुमतारि आरो प्रिति दैमारीखों बान्थाजों लोगोसे बरयनाय जायो। गुबुन फारिसेथि, बे हाबाफारियावनो गानै बिजाव फारिये सना बाग्लारिनि 'सम' आरो शिबप्रसाद खाख्लारिनि फावथाय 'गोदान फोलेर'खों बेखेवनाय जायो।

राइज्यो बेंगिरिया 'बिटिआर कमिउनिटि भिजन'...

मोन्थानि थाखाय सुबुं खान्थियारि आदबफोरखों गोनांथि होदोंमोन, फारसेथि गुरुदेव कालिचरण ब्रह्मआ अहिंसा आरो धोरामारि बिथिनि गेजेरजों समाजखों खोंसे खालामदोंमोन होन्नानै राइज्यो बेंगिरिया बुडे। बर' हारिनि लुबेनायफोरखों नोजोर होनानै आचार्यआ बुडेदि, बर' बिदा-फंन्बाय आरो बिब'-बिखानावफोरा गावसोरनि नख'र आरो गथ'फोरनि थाखाय मोनसे गोजों इयुनिनि सिमां नुयो। बिसोरो जाफुंसार' सुबुंफोरनिफ्राय थुलुंगा लायो जाय बिथामोननि सिगानि लामाखों रोखा खालामबाय। 'आं गोगानाय मोनोदि जौनि आसाम सरकार बिटिआरनि लाइमोनफोरजों मोनसे मोजां इयुन दानायनि दावबायनाय गोरखों गसंफादों।' गहाइ मन्थि नरेन्द्र मदिनि दैदनायाव 2020 माइथायाव सागान होजानाय बर' गोजोन गोरबथानि गोनांथिखों नोजोर होनानै राइज्यो बेंगिरिया बेखों मोनसे जारिमिनारि आगान होन्नानै बुडे, जाय जि बोसोरनि जुजिनाय आरो हिंसाखों फोजोबदोंमोन। 'दिने, बड'लेण्डआव जौगानायनि गोरखेंथिया दिन्थियादि बे गोरबथाना ओन्सोलनि गासैबो हारिफोरनि थाखाय गोजोन, दिदोमथि आरो जौगानायनि मोनसे गोदान मुगानि जागायजेन्नाय।' बिथाड रोजा-रोजा लाइमोनफोरखों गुबै लामायानि फिन खोंसे खालामफिन्नायखोंबो बाखायो, बिथामोननि मोन्थाय आरो बिबानफोरखों बोजबना लानायजों लोगोसे ओन्सोलनि जौगानायव बिथामोननि गोनांथार बिहोमाफोरखों गनायो। राइज्यो बेंगिरिया बड'लेण्डनि हारिमुवारि बायदि रोखोमखों बाखायो आरो बिसोरनि धोन दोरोंफोर, आसार-खान्थि आरो उमोनथाइखों सरैखा खालामनो नाजानायखों बाखायो। बेवहाय गासैबो हारिफोरनि गोजोन खोंसेथिया बर'आफोदनि आफादगिरि आरि नेहाथारि नब कुमार प्रमद बर', सोलेंथाइ मन्थि उ रज पेगु, आबाद बिफाननि मन्थि अतुल बरा, पन्थायत आरो गामियारि जौगाखों मन्थि रजित कुमार दास, आखाइ-इसान आरो जि बिफाननि मन्थि उखांव गोर ब्रह्म, देहा आरो नख'र अन्साइ मन्थि अशक सिंहाल, एमपि दिलिप शइकिया, सिफ सेक्रेटारि उ रबि क'टा, डिजिपि जिपि सिंह, खोरंगिरि पेट्रिसिया मुखिम आरो गोबां गुबुन गेदेमा सुबुंफोरा बाहागो लायो।

उदालगुरि जिल्ला आपकुनि सरासनस्रा मेल'...

आफादगिरि बापन शर्माआ 1993 माइथायनि 30 एप्रिलाव जेनोम मोन्नाय मिरु आपकुखों उदालगुरि जिल्लायाव गोरखेंथार महराव गायसनो साफ्रोमखों सोद्रोमाखों खावलायो। उदालगुरि जिल्ला आफादनि नेहाथारि फतिक नन्दन राभाआ सामलायनाय मेलाव मिरु आफोदनि आफादगिरि आरि नेहाथारि नब कुमार डेका, लेडाइ आफादगिरि नारायण डेका आरो उदालगुरि जिल्ला साहित्य सभानि गोदानै सायख' जानाय नेहाथारि दिबाकर बर'आ गावनि सुंद' बिबुंथियाव आफादखों गोरखेंथार महराव दाफुनायजों लोगोसे खोरंगिरिफोरखों सैथो, बेसेन गोनां, गोमो, गोरखें समाज दानायव बिहोमा होनो खावलायो। मख'नो गोनांदि, 2025-27 माइथायनि थाखाय नब कुमार डेकाखों आफादगिरि, बापन शर्माखों मावफुं आफादगिरि, सिन्मय डेकाखों नेहाथारि, गुन्जित दास, नारायण डेका, गौतम ज्यति तालुकदारखों बोसोनगिरि, धिरन महलिया, दिपक डेकाखों मिरु आफादनि थान्थे, धुबन बनिना, प्रफुल्ल बर'मोनखों लेडाइ आफादगिरि, बिपुल हाज'रिका, मून्मय सहरिया कचखों लोगो नेहाथारि, सोरांसर बाग्लारी, अमरजित राभाखों आफादगिरि नेहाथारि, साजिद खानखों फोसावदि नेहाथारि, निबाराण राभा आरो अरुन बर'मोनखों लाइसि नेहाथारि महरै लाना स 21 सोद्रोमानि मोनसे गोरखों अदालगुरि जिल्ला आपकुनि गोदान आफादखों दानाय जायो।

जिराया देहा सोलेरनि थाखाय गाहाम बाब्जायनाय होयो

जिराखों ओंखाम-ओंखि संनायाव बाहायनाय जायो जाहाथे जाग्रा आदारनि स्वादआ बांनयजों लोगोसे मोदोमफ्रुबो जायो। नाथाय जिरायाव माखासे आयुर्बेदिक गुनबो दं। गगा मोन्नाय समाव जिराखों बाहायोब्ला गगा मोन्नाया थाबेनो रुडे। गुसु बोथोरनि गोहोम खोख्खैनाया अखा बोथोरनिखुडि बांसिन जायो। जिराखों बाहायोब्ला माबादि मुलाम्फा मोनो बेखों गहायाव होनाय जाबाय। बे फिसा फिसा जिराआव गगा मोन्नाय आरो खर' सानायखों जानगार खालामनो हानायजों



लोगोसे बेकेटेरियाजों दावहा नांनो हानाय गुनबो दं। जिराया इन्फेक्सन्स जानायनिफ्राय देहा सोलेरखोंरैखाथि होनायजों लोगोसे इन्म्युम सिस्टेमखों स्ट्रं खालामो। जिरायाव भिटामिन ए आरो सिबो दं। बेयो गगा मोन्नाय आरो गुजुनायखों रैखाथि होयो। कापने दैआव सामुचसे जिरा होनानै गोदो होनांगो। जेब्ला जिरा होनाय दैआ गोदौयो हाइजें उन्नय आरो तुलसिखों होनानै गोदौ होबाव नांगो। जाहाथे दैयाव इन्फेक्सन्सजों दावहा नांनो हायो। बे दैखों गोदौहोखांनयनि उनाव गुसु खालामनानै लासै लासै लोंगो।

(1 बिलाइनिफ्राय)

जयगाखों गोमखांहोदों। मख'नो गोनांदि, हेन्था सोमावसारनाय हाबाफारियाव पाटेमाबाद साहा बागाननि लेबारफोर अजद होदोंदि, पाटेमाबाद साहा बागान बिफानआ लेबारफोरनि मोन्नो गोनां 7 सप्ताहनि मजुरिखों गथायाखें। 12 जौखोन्दो आद्र थानाय बनासनि धोनखोंबो गथायाखें। बागाननि स्टाफ आरो साब स्टाफफोरनोबो गोबाव साननाइँ मोन्नो गोनां दान बान्थाखों गथायाखें। बेनि अनगायैबो बागाननि लेबार, स्टाफ आरो साब स्टाफोरबो गोबाव साननाइँ रेसनखों बागान बिफानआ बन्द' खालामना लाखिदों। गुबुन फारसे बागानाव लेबार, स्टाफ आरो साब स्टाफफोरनि थाखाय आथिखालाव फाहामथायनि राहा गैया। अजद बादिदै थानाय 26 डिसेम्बरआव बाक्सानि मुसलपुराव लेबार बिफान, बागान बिफान, खुंथाय, साहा लेबार आफादनि बिबानगिरिफोरनि गेजेराव सावगयलायनाय बादिदै बागाननि लेबार, स्टाफ आरो साब स्टाफफोरनो सप्ताहनेनि मोन्नो गोनां धोनखों थानाय शनिबारखालि गथायनायनि बाध्रा होदोंमोनब्लाबो दिनेसिमबो गथायनाय होयाखें। दिनेबो सानसेनाइँ लेबारफोर मोन्नो गोनां मजुरि धोननि थाखाय पाटेमाबाद साहा बागाननि मावखुलिनि लांगोनायाव नेनानै थाबाय थानायनि उनावबो गथायना होनो बिफाननि रावबो सुबुंफोरा नुजाफैयैआव हेन्था सोमावसारनायजों बागाननि लेबारफोर खुद्रिखानाय फोरमायो। मख'नो गोनांदि, पाटेमाबाद साहा बागानाव आथिखालाव बिफाननि सोबख'नायनि थाखाय लेबारफोरा आदार, जि-जोम आरो फाहामथायनि आंखालाव हालाय-हाफाय जानांदों होन्ना फोरमायना होदों। गाबोननि गेजेराव बाध्रा होनाय बादिदै लेबारफोरनि मोन्नो गोनां धोरखों गथायनाय होयाबोला फिन गोखों सोमावसारनाय जागोन होन्नो बागाननि लेबारफोर फोरमायदों।

(1 बिलाइनिफ्राय)

बिटिआरनि गासै हारि-हारिसाफोरनि गेजेराव गोजोन, खोंसेथि आरो जौगाथायनि नोजोरजों'...

राजथानि नोगोर गुवाहाटीनि मासकवायाव थानाय प्रागज्योति आइ टि ए चेन्टरआव मोनसे हाबाफारि खुंजायनि गेजेरजों आसामनि राइज्यो बेंगिरि लक्ष्मन प्रसाद आचार्यआ गहाइ आलासि महरै बाहागो लानानै बि टि आर सरकारनि बे कमिउनिटि भिजन डकुमेन्टखों बेखेवनाय होयो। दिनेनि बे भिजन डकुमेन्ट बेखेवनाय हाबाफारियाव गोबां आलासिफोर फारिये-आसामनि आसाम आयेन आफादनि बुंथियारि बिस्वजित दैमारी, केविनेट मन्थिफोर रजित कुमार दास, उ रज पेगु, उखांव गोर ब्रह्म, अशक सिंहाल, अतुल बरा, लक सभानि एम पि दिलिप शइकिया, जयन्त बसुमतारि, आसाम सरकारनि सिफ सेक्रेटारि रबि कता, गागि खोरंगिरि आरो समाजयारि मावथि पद्मश्री पाट्टिचिया मुखिमजों लोगोसे बि टि आरनि गोबां मावफुं सोद्रोमा, एम सि एल ए बिथामोनहाबो बाहागो लायो। हाबाफारियाव बाहागो लानाय साफ्रोमबो आलासि बिथामोनहा गाव-गानि बिबुंथि लाखिनाय समाव बि टि आरनि थागिबि हारिफोरनि थाखाय बेबायदि मिजिं जां ओ थांथि गोनां कमिउनिटि भिजन डकुमेन्टखों थियारि खालामनानै बेखेवनायनि थाखाय गहाइ मावफुं सोद्रोमा प्रमद बर' आरो बि टि आर सरकारखों बाखायनायने बे भिजनआ मोवाथां महरआव मावफुंजानानै गासै हारि माहारिनि गेजेराव जौगानाय लोबोगोनखों मिजिं थिनाय फोरमायो। मख'नाय जायोदि, दिनेनि भिजन डकुमेन्ट बेखेवनाय हाबाफारियावनो बर'नि माहारियारि आफाद दुलाराय बर' फरायसा आफाद, बर' थुनलाइ आफाद, दुलाराय बर' हारिमु आफादनि दैदनेगिरिफोर आरो गुबुन गुबुन हारि हारिसाफोर जेरै- गार', राभा, हाज, मदाहि कछारी, बर्मन मन्दाइ, बर्मन कछारी, नाथ यगी, सुत्रधर, केयत, गिरिया-मरिया जातीय परिषद, कलिता, हिन्दी भाषी, गर्बा, सरनिया कछारी, कच राजबंसि, मुस्लिम, आदिबासि, सान्ताल, कुरुक, मुन्दा, उरिया, देशि, जलहा, बेंगली हारिफोरनि गुबुन गुबुन हारियारि आफादफोरनि दैदनेगिरि थान्देफोरनो गाव-बागावा हारिनि थाखाय थियारि खालामनाय भिजन डकुमेन्टखों हाबाफारियाव बाहागो लानाय आलासिफोरा गथायनाय होयो।

कक्राझारआव जिल्ला थाखोनि मास्टार्स एथलेटिक सेम्पियनसिपआ खुंफुंजाबाय

थामथि मासिखों मरानहाटआ आवग्रिनो हायो। आइजो गेलेगिरिफोरनि साबसिन हान्जा महरै सेथि मासिखों मरानहाटआ आवग्रिनो हायो, नैथि मासिखों सिनापथार आरो थामथि मासिखों कारुप मेट्रुआ आवग्रिनो हायो। गुबुन फारिसेथि, पेरुडआव साबसिन हान्जा महरै सेथि थाम आवग्रिनो हायो नख'रआरि हान्जा एवा बान्जायगिरि जिल्ला कक्राझारआ, नैथि मासिखों डिबेग आरो थामथि मासिखों कामरुप मेट्रुआ आवग्रिनो हायो। नख'रआरि जिल्ला कक्राझारआ आइजो दालायाव मोन 25 आरो हौवा दालाइयाव मोन 19 मेटेल देहानो हायो। बेनि गेजेराव मोन 13 स'ना, मोन 13 रुफा आरो मोन 18 ब्रन्जनि मेटेल देहानो हायो। दिनें खुंजाय बान्था रन्याय हाबाफारियाव एमएलए आरो बान्जाय आफादनि आफादगिरि लेन्स इस्लारीजों लोगोसे माखासे गागि सुबुं आरो गोबां गेलेमु अन्साइगिरिफोरा बाहागो लायो। फेगौ बोसोरव बे बादायलायनायखों मरिगाव जिल्लायव खुंजाय जागोन होन्नानै मिथिनो मोन्नाय जादों।

कक्राझारनि गुन गोनां फरायसाया देहा फाहामथायनि थाखाय हेफाजाव हांखायहरदों

मदद होनो थाखाय सालाकाति रेलवे स्टेसननि खाथियाव गंसे फिसा साहानि गला सालायो। दुखुनांथाव महरै, अनिताआ गोबां बोसोरनिफ्रायनो सिस्टेमिक लुपस एरिथेमेटस्यस (एमएलइ), मोनसे गिखंथाव अट'इमिउन बेरामजों जुजिगासिनो दं। अनिताआ कचबिहार, सोनाव बेंगल आरो हायद्राबादाव फाहामथाय लागसिनो दंमोन। बबेखानि, अनितानि नख'रा गावसोरनि गाज्रि रांखांनियारि थासारिनि थाखाय बिनि फाहामथायनि थाखाय रां होबाय थानो हायाखें। बिनि बिमा-बिफाया जायगानि थागिबिफोरजों लोगोसे आसामनि गिबि मन्थि, आसामनि सावस्त्रि मन्थि उ हिमन्त बिस्व शर्मा आरो बिटिसि गहाइ मावफुं सोद्रोमा प्रमद बर'खों एमए एवा गुबुन जौगा सरकार देहा फाहामसालिफोराव फाहामथाय होनो थाखाय राडरि अन्सुंथाइ होनो गोसो गोबोनिफ्राय हांखाय हरदों। अनितानि बिफा ब्रजेन बर्मना मिजिथिनाय बुडेदि, 'आनि फिसाजोआ मोजां फाहामथाय मोनोब्ला हामखनो हागोन। आं आसामनि गिबि मन्थि आरो बिटिसिनि गहाइ मावफुं सोद्रोमा प्रमद बर'खों खावलायोदि बे गोनांथिनि समाव बिथोखों मदद खालाम।' ओन्सोलनि सुबुं समाजा अनितानि गोहो आरो थिरांथाखों गनायनाय अनिताजों गसंथादों आरो गोनांथार फाहामथाय सिबिथाय मोन्नायखों रोखा खालामनो थाबेनो आखाय होनो खावलायदों।

पर्वतझरानि जारिमिनारि बगरिबारि 25 हाट'...

फरेन्सिक आन्जादनि थाखाय दैथाय हनयाय जादों आरो बे जाथारनि सायाव गुदि नायबिजिनयायखों जागायजेन्नाय जादों। लोगोसे फरेन्सिक आन्जादनि रिपट मोन्नायनि उनावसो थफलायाव मा दंमोन बेखों मिथिनो हागोन होन्नानै बिथाड फोरमायो। बगरिबारि ओन्सोलाव गिबि खेबनि थाखाय सोमजिनयाय साननो हाथावै जाथायखों लानानै ओन्सोल नाइँनो गोखों फिनजाथाय सोमजिदों।

गाहाम देहानि राहा

उन्दुनायनि सिगां माखासे मस्लाफोरखौ गाइखेरजों लोडेब्ला मुलाम्फा मोनो



गायखेर याव केलसियाम, प्रटीन, भिटांमिन आरों खनिजफोर बायदि निउट्रियेन्टफोर थायो। गायखेर लोडेब्ला थाजिम मोननायनि अनगायैबो सावस्त्रिनि बेलायावबो जोबोद मुलाम्फा गोनां। बेयो बेगेंफोरखौ गोख्रों खालामो आरों देहाखौ गोहोजों बुंफबहोयो। नाथाय जुदि गायखेरखौ बेरे मोदै आरों गलमुसिजों लोडेब्ला बेनि मुलाम्फाया 2 गुन जायो। बेरे मोदैयाव भिटांमिन, खनिजफोरजों लोडोसे एन्टिअकि सडंन्ट, एन्टिबेक्टेरियाल आरों एन्टी-इनफ्लेमेटरी गुनफोर थायो। गायखेर आरों गलमुसियाव भिटांमिन ए, आयरन, केलसियाम, मेगनेसियाम, फस्फरास आरों पटेशियामफोर

थायो। बेनिखायनो बेफोरखौ लॉनाय जायोब्ला देहाया गोबां सोमोनांथाव मुलाम्फा मोनो। बेफोर गासैबो जॉनि देहाखौ मोजाडै लाखियो आरों गोबां बेमारफोरनिफ्राय रैखा खालामो। बेनि मुलाम्फाफोरखौ गाहायाव होनाय जाबाय 1. होबथानो हानाय गोहोआ गोरा जायो: गोजां बोथोरार मानसिफोरनि होबथानो हानाय गोहोआ गोबां समावनो लोरबां जायो। बेबादि थासारियाव, गलमुसिजों लोडेब्ला बेनि गायखेरजों गलायनाय लॉनाय हायो। बेयो जॉनि होबथानो हानाय गोहोखौ गोख्रों खालामो। गायखेर, गलमुसिजों आरों बेरे मोदैया जाग्रा आदारनि मोनथाम गिदिर फुंखा। बेयाव एन्टि-बेक्टेरिया, एन्टि-फांगाल आरों एन्टि-इनफ्लेमेटरी गुनफोर थायो।

भुमिका चावलानि मोनसे सावगाऱिया सशेल मिडियाआव जोबोद भाइरेल जादों

2003 माइथायाव नुजाथिनाय सलमान खाननि 'तेरे नाम' सावथुनखौ सुबुंफोर जोबोद अन्साइदोंमोन। बे सावथुनाव सलमान खानआ रथेनि फाव दिन्थिनाने बयजोंबो गोबां अन्साइजादों। अदेबानि 'तेरे नाम' सावथुनाव सलमान खाननि अपजिउआव भुमिका चावलाखौ नुनो मोन्दोंमोन, जायनि बेयो गिबि सावथुनबोमोन। भुमिता चावलाआ गावनि अन्थाव महर आरों गावनि रेंग'थिजों सुबुंफोरनि गोसोखौ देरहानो हादोंमोन। बबेखानि बेनि उनाव भुमिकाया गोबां सावथुनफोरखौ नुजायाखैब्लाबो नाथाय 'तेरे नाम' सावथुनाव बिथानि एक्विटंखौ सुबुंफोरा दासिमबो गोसो खाडो। 'तेरे नाम' सावथुन नुजाथिनाया 21 बोसोरनिखुड



बांसिन सम जाबाय आरों बे समसिमाव फावखुंग्रिनि लुकआबो जोबोद सोलायबाय। 'तेरे नाम' सावथुनाव सिधा-साधा नुजाथिनाय भुमिका चावलाखौ दासान्दि जोबोद आलादा नुदों। आधिखालावबो बिथानि अन्थाव थाव महरा एसेबो खम जायाखै। मिडियाआव जोबोद भाइरेल जाग्रासिनो दं। बेव बिथानि गोमो गाबनि लाइफ जेकेट गान्नाय नुनो मोन्दों। बे

सावगाऱियाव भुमिकाखौ मोनसे बटआव नुनो मोन्दों। सावगाऱियाव भुमिकाखौ खानाय हगारनाय आरों चश्मा गान्नाय जोबोद स्टाइलिश नुदों। मख'नो गोनांदि, 'तेरे नाम' सावथुनाव भुमिकाखौ 'निर्जरा' नि फावआव नुनो मोन्दोंमोन। 'तेरे नाम' सावथुनि उनाव भुमिकाखौ सलमान खानजों लोडोसे 'दिल ने जिसे अपना कहा' आवनो नुनो मोन्दों। बेजों लोडोसेनो भुमिकाखौ रन, धनि

एडचिबिअनि फाउन्डर चार्ल्व डलनआ 98 बोसोर बैसोआव रुंसारि जाबाय



एडचिबिअ आरों केबलभिजननि भिजनारि चार्ल्व डलनआ 28 डिसेम्बरखालि 98 बोसोर बैसोआव जिउ गोमाबाय। बिथानि नख'रआ बैसो जानायनि जाहोनाव थैदों होन्नाने खौरं होदों। डलनखौ 1972 माइथायाव एडचिबिअखौ गाइसन्नाय आरों बोसोरसे उनाव केबलभिजनखौ गायसन्नायनि थाखाय गोसोखानाय जायो, जाय आमेरिकाया बयनिखुड देरसिन केबन अपरेटरफोरनि

मादाव सासे जानो हादोंमोन। उनाव बिथानि 2017 माइथायाव केबलभिजनखौ 17.7 बिलियन डलरआव एल्टिसनो फानो। डलनआ 1986 माइथायाव निउज 12 लं आइलेन्डखौबो लन्च खालामदोंमोन, जाय आमेरिकायाव सिगां 24 घन्टानि क्षेत्रिय केबल खौरं चेनेल दंमोन, जायनि जाहोनाव निउज 12 नेटवार्क खौ दिहुन्नाय जादोंमोन। 2011 माइथायाव

केबलभिजननिफ्राय आलादा जानायनि उनाव डलनआ 2020 आव एएमसि नेटवार्कनि मावफरिया चेयारपासन्नि मासिखौ नागरो। बिथानि सा 6 गथ'फेर दं, जेव जेम्स डलन, एएमसि

आमेरिकानि बावसिन बोसोर जोरनाय बाग' हादतगिरि जिमी कार्टरआ रुंसारि जाबाय

वाशिंग्टन, 30 डिसेम्बर : आमेरिकानि बयनिखुडबो बैसो जासिन्नाय हादतगिरि जिमी कार्टरआ रबिबार मोनायाव रुंसारि जाबाय। बिथाड आमेरिकानि 39 थि हादतगिरिमोन आरों भारतआव दावबायफेनाय 3 थि आमेरिकान दैदेनगिरिमोन। कार्टरआ 100 बोसोरव जोबथा हं बोबाय। मख'डाथावदि, 1977 माइथायाव बिथाड आर फर्डखौ फेजेना हादतगिरि जादोंमोन। जिमीआ जर्जियानि प्लेन्सआव थायाय गावनि न'आव जोबथा हं बोयो। मख'जाथावदि, जिमी कार्टरआ आमेरिकानि जारिमिनाव बयनिखुडबो बाउसिन जोरनाने थायाय हादतगिरिबो, जायनि रुंसारि जानायाव हादतगिरि बाइडेनआ दुखु फोरमायदों। बाइडेनआ बुंदों, आमेरिका आरों मुलुगआ सासे सरासन्ना नडै दैदेनगिरि, राजखान्थिगिरि आरों सुबुंथिनि सानसि गोनां सुबुंखौ खोमानांबाय। हादतगिरि बिबान नागारनायनि बोसोरसे उनाव बिथाड कार्टर सेन्टर मुनि मोनसे चेरिटिखौ गाइसन्दोंमोन। बे चेरिटिआ बिसायख'थियाव गोगो खुंफुनाय, सुबुं मोन्थाइफोरखौ मदत खालामनाय, सावस्त्रि

संगिता बिजलानीआ सालमानजों जुलिनि रादाय सिमफायनायखौ स्व'आव सिमान लादों

सलमान खाननि रिलेशनसिपनि सोमोन्दै साफ्रोमबो सुबुडानो मिबथिगौ। एश्वर्या राय आरों समि आलि बायदि फावखुंग्रिफोरजों बिथाड सोमोन्दो दडमोन आरों फावखुंग्रि संगिता बिजलानीजोंबो फावखुंग्रि जुलिनि खौरंखौ खोनानो मोन्दोंमोन। मिबथिनो मोन्नाय बादिब्ला, सानैनि जुलिनि कार्डखौबो साफायबायमोन, नाथाय जुलिया जायाखै। बबेखानि आधिखालाव सिंगि रिएलिटी स्व'आव सासे कन्टेस्टेन्टआ आलासि महरै नुजाथि हैनाय संगिता बिजलानीनाय बेनि सोमोन्दै सौंथि खालामनायव बिथाड रोखा खालामदोंदि, जुलिनि कार्डखौ साफायखानायनि उनाव बिथाड जुलिनिखौ सिमफायदों। बेनि प्रमआ गोख्रैयै भाइरेल जागासिनो दड आरों अन्सायगिरिफोरखौ रिएक्शन होनायबो नुनो मोन्दों। इन्डियान आइडलनि लेटेस्ट प्रमआव संगित बिजलानीखौ गाहाइ आलासि महरै नुनो मोन्दों। स्व'आव कन्टेस्टेन्ट रितिका राज सिंहनि मोनसे सौंथिआ फावखुंग्रिखौ गोमोहाब होयो। बिथाड सौंथि खालामोदि, जों खोनानो मोन्दोंमोनदि, नोंथां



आरों सलमान खाननि वेडिं कार्ड साफायखानायमोन? बे सौंथिखौ खोनानाने श्रेया घषाल आरों भिशाल ददलानीआ गोमो हाबो। नाथाय संगिताआ रिउमारखौ रोखा खालामनाय

बुडोदि, औं नंगौ बे बाश्राया नंखाय नडा। बेनि उनाव भिशालआ बिथानाव गासै सल'खौ सौंथि खालामो। मख'नो गोनांदि, सलमान खान आरों संगिता बिजलानीआ

1986 आव डेटिं खालामनो जागायजेन्दोंमोन। बेनि माखासे बोसोर उनाव सानैजों जुलि जानो थांखि लादोंमोन। जुलिया 1994 नि 27 मेआव जानो गोनांमोन आरों जुलिनि

कार्डखौबो साफायखानायमोन। नाथाय सलमान खाननि फोथाय खेबस' खालामनायव जुलिया बायो। मिबथि होनाय जायोदि, फावखुंग्रि समि आलिजों एफायर थायायनि जाहोनाव सोमोन्दोआ बायदों। बेल नडा सलमान खानखौ समिजों लोडोसे संगिताआ रुमावबो जयै थायाय नुदोंमोन। समि आलिआ मोनसे इन्टरभिउआव मिबथि होयोदि, जेब्ला संगिताआ बिथानि न'आव फेदोंमोन अब्ला बिथाडा सान्दोंमोनदि, सलमानजों बिथानि सोमोन्दोआ जोब्याय। नाथाय सलमानआ संगिताजों 10 मिनिटसिम बाश्रा सावययदों आरों उनाव मिबथि होयोदि, बिथाड ब्रेकआप खालामबाय।

फावखुंग्रु गबिन्दाया कमेडियान कपिल शर्मानि स्व'आव गावनि जिउनि माखासे बाथा फोरमायदों

बलिउडआव माखासे फावखुंग्रुफोर फैदों आरों फलप जानानै न'आव जिरायना थादों। माखासे फलप फावखुंग्रुफोर पड्डीनि उन्धिं खामानि मावनो जागायदोंब्ला, माखासेफोरा सावथुननि लाइननिफ्राय आलादा खामानि मावगासिनो दं। मोनसे समाव सुपारहिट सावथुन होनाय फावखुंग्रुआ 'नाम्बार 1' टेग लानानै बलिउडआव दोहौ सोमजिहोने हादोंमोन। बे फावखुंग्रुआ गावनि कमिक स्टायल आरों मोसानायनि थाखाय मुंदांखा। सुबुंफोरा बिथानि सावथुन होनायनि गेजेरजों बे फावखुंग्रुनि गोसोआव मोनसे सौंथिआ सिखांबाय थायोमोन जे माल्लाबा गासैबो हरखाबै




गलांजोब्ला आरों गोरिब जायोब्ला सान्नाय गिनायजों गं 100 ट्रक आरों रिक्सा बायनो थाखाय प्लान खालामदोंमोन। अदेबानि, बे बाश्राखौ इन्डियानि टप कमेडियान कपिल शर्मानि कमेडि स्व'आव फोरमायदोंमोन। बे स्वआव आलासि महरै बलिउडनि 'हिर' नाम्बार 1' गबिन्दाया नुजाथिहैदोंमोन। कपिल शर्माआ

गबिन्दानाव सौंथि खालामदोंमोनदि, सार नोंथांनि सोमोन्दै मोनसे बाश्रा खोनानो मोन्दोंमोन, जेब्ला नोंथांआ सावथुनाव गोदानै फैदोंमोन अब्ला नोंथांनाव गोबां फेसा जादोंमोन बेनिखायनो नोंथांआ गं 100 ट्रक आरों गं 100 रिक्सा बायदोंमोन। कपिलनि बे सौंथिनि फिन्नायाव गबिन्दाया

बुडोदि, आं जिउआव गोबां जेंनाजों थुंगेबोनायमोन, बेनिखायनो आंहा गिनाय दंमोन जे जुदि फिन गोरिब जाफिनोबा जोबोद दुखुनांथाव जागोन, जे बायदियै जॉनि बिमाया जौंखौ फेदेरदों, बिब' बिनानावफोरनि जुलि खालामदों, बेफोरखौ सान्नाय आं जोबोद गिखादोंमोन। बेनिखायनो आं सादोंमोन जेखि बिजनसेखौनो जागायनो हाया मानो जागायगोन, गासै खामानिया गात्रि जाया, जे खामानिखौ मोन्दों मावनो बेखौ साबायखर हो फिसा गिदिरनि जेबो खोथा फेया खामानिनि बिथिंआव जेखौ मावनो हायो बेखौनो मावनगौं।

मनज बाजपेयीनि थाखाय 2024 माइथाया जोबोद जर'खायै थादों



बलिउडनि मुंदांखा फावखुंग्रु मनज बाजपेयीनि थाखाय 2024 माइथाया जोबोद जर'खायै थादों। बे बोसोरव मनज बाजपेयीआ मोनै सावथुन आरों मोन्थाम धाकड़ अटिडि सिरिजआव गावनि रेंगौथि एक्विटंनि गोहोखौ दिन्थिदों। नाथाय बे बोसोरव मनज बाजपेयीनि मोनसे औरैबायदि सिरिजनिप्राय जागायदोंमोन, जायनि सिगाडव 'फेमिली मेन', आरों 'गेंस अफ वासेपुर' सावथुननि जादुखौ खम जानाय नुदोंमोन। बे सिरिजनि मुडानो जादों 'किलार सुप'। बे सिरिजआ 2024 नि 11 जानुवारीखालि नेटफ्लिक्सआव रिलिज जादोंमोन। बे सिरिजआव गोख्रों क्राइम प्लटजों लोडोसे टर्क कमेडिनि गलाय-गथायखौ नुनो मोन्दोंमोन। बे सिरिजआव मनज बाजपेयीआ गावनि केरियारआव गिबि खेब डावल रल खालामदोंमोन। बे मोनैबो फावआ गावजों गाव जोबोद आलादामोन। नाथाय मनज बाजपेयीआ बे मोनैबो फावआव औरैबायदि गावखौनो बावसोमदोंमोन, जाय बिथानि बयबो बाखायालासे थानो हायाखैमोन। बे सिरिजखौ अभिषेक चौबेआ डायरेक्ट खालामदोंमोन। बे सिरिजखौ अभिषेक चौबेआ डायरेक्ट खालामदोंमोन। सिरिजआव मनज बाजपेयीजों लोडोसे कंकणा सेन शर्मा, शयाजि शिन्दे, अनुला नवेलकर, नासर, लाल आरों राजिब रबिन्द्रनाथ बायदि फावगिरिफोरबो गाहाइ फाव दिन्थिदोंमोन। सल'आ सासे आइजोनि फावनिफ्राय जागायो, जायखौ कंकण सेन शर्माआ बिफाव होदोंमोन। बे आइजोआ गावनि मटन सुपजों बयखौबो गोजोन्गलाय होनो लुबैयो। नाथाय बिथाड सुप बानायनो रोड। बेनिखायनो सासे खानसामानि मदत लायो आरों सुप बानायनो सोलोनो जागायो। सल'आ किलार सुपनिफ्राय जागायो आरों बुथारनाय जाथायसिम सौंहैयो। बे बुथारनायनि उनाव सल'आ जोबोद गोथौ आरों मुजिथावनाबो जायो। बे सिरिजखौ नेटफ्लिक्सआव नायनो हागोन।



सिबिथाइफोरखौ गोख्रों खालामनाय बायदि मख'जाथाव बिफावफोरखौ मावफुदों। कार्टर सेन्टरनि बायदिब्ला, 3 जानुवारी 1978 आव कार्टर आरों बै समनि पास्ट लेडि रजलिनि कार्टरआ गोदान दिल्लीनिफ्राय 1 घन्टानि थाखाय खोला-सोनाबहा थांनाय दौलतपुर नसिराबाद गांमियाव थादोंमोन।

वर्ल्ड रेफिड चेस सेम्पियनसिपआव कनेरु हम्फीआ जाफुंसारदों

गोदान दिल्ली, 30 डिसेम्बर: भारतनि मुंदांखा आइजो चेस गेलेगिरि आरो ग्रेन्ड मास्टर कनेरु हम्फीआ गावनि नैथि वर्ल्ड रेफिड चेस सेम्पियनसिपआव मोजाडै दिन्थिफुंजाजो बिमुं देरहादों। बे सेम्पियनसिपनि जोबनाय बुब्लिआव हम्फीआ इन्डनेसियानि आइरिन सुकन्दरखौ फेजेन्दों। जेराव बिथाडा चीननि झु वेनझुनजों लोगोसे बे फर्मेटआव गोबां मुलुगानाखरि बिमुं देरहानो हानाय महरे इभेन्टआव बाहागो जादोंमोन। बे सेम्पियनसिपआव हम्फीआ 2019 आव जजियाआव खुंजानाय इभेन्टआव गिबिबै देरहानाय थिसन्दीमोन। देरहानाय उनाव हम्फीआ गावनि जाफुंसारनायनि सायाव गोजोन्नायखौ



फोरमायो। जेराव मोनसे गोब्राब टाइब्रेकार मोन्नायखौ फोरमायनानै बिथाडा गावनि आदोबजों बे गिदिर सेलेन्जखौ बारनो हानायखौ फोरमायो। गोसोम थुखाजों जागायजेनाय हम्फीआ बे सेम्पियनसिपनि बिमुंनि बादायनायाव गासै 11 राउन्डआव 8.5 पइन्ट आजिदों आरो जौसिनआव जायगा लानानै सेम्पियनसिपनि शिल्डखौ देरहादों। सिगापुरआव खुंजानाय क्लासिकेल वर्ल्ड चेस

सेम्पियनसिपआव डि गुकेशनि चीननि बादायारि डिं लिरेननि सायाव जारिमिनारि देरहानाय उनाव हम्फीनि जाफुंसारनाया भारतयारि चेसनि फोथारआव मोनसे जर'खा गोगानाय लाबोदेरबावदों। 37 बोसोर बैसोनि हम्फीआ बेनि सिगां 2012 आव मस्क'रेपिड चेस सेम्पियनसिपआव ब्रन्ज आरो 2023 आव उन्बेकिस्तानआव जालानाय सामारकान्डआवबो रुफानि मेडेल देरहादोंमोन।

बरदलै टूफी बान्जायनो थाखाय साखा-फाराआ जागायजेनबाय

गुवाहाटी, 30 डिसेम्बर: भारतनि बयनिखुइबो गोजामसिन आरो मुंदांखा फुटबल टुर्नामेन्टफोरनि गेजेराव मोनसे बरदलै टूफीआ फैगौ बोसोरनि गिबि दानआव जागायगोन। जेराव बे टूफीआव गासै मोन 280 क्लाबफोरनिफ्राय 5600 सो गेलेगिरिफोरा बिमुंनि थाखाय गोखोडै दिन्थिफुं'नो ओंखारगोन। फैगौ जानुवारि 2025 निफ्राय जागायनानै फ्राय 3 दानसिम सोलिनो गोनां बे टूफीआव गासै खेब 610 मेचफोर बादायलायनाय जागोन। आसामनि गिबिसिन गिबि मन्थि गपिनाथ बरदलैनि मुडै खुंजानाय बे बादायलायनाया 1952 निफ्राय जागायदों। मख'नाय जायोदि, बेयो मोनसे समाव भारतनि बयनिखुइ मुंदांखासिन फुटबल



टुर्नामेन्टफोरनि गेजेराव जायगा मोन्नायमोन। अल इन्डिया फुटबल फेडरेशनआ ओन्सोलारि टुर्नामेन्टफोरखौ फोर्थाफिन्तो आगान सुरनायजों लोगोसे गुवाहाटी स्पर्ट्स एस'सिएसनआ 72 बोसोर बैसोनि बे गोजाम बादायलायनायखौ खुंफुं'नो थियारि जानायखौ फोरमायदों। बरदलै टूफीआ आसामनि अनगायैबो सा-सान्जा आरो न'सुसेनि राइज्योफोराव गोबां

मुंदांखा जानानै दड। जिएसएनि गाहाइ नेहाथारि देबजित शइकियाआ थानाय माखासे दानफोरनि सिगांनो बे टूफीआव सुबुंफोरनि गोखौ बादायनायखौ नुनो मोनगोनखौ फोथायथि होदों। लोगोसे जिएसएनिफ्राय बे टूफीनि गोमाथाव सानफोरखौ लाबोफिन्तो थाखाय गावसोरनिफ्राय गोब्राब हाबा मावबोनायखौ फोरमायदों। बिथाडा फोरमायनाय बादिब्ला,

राइज्यो सरकारनि मददजों बे खेबआव टूफीखौ साबसिनै खुंफुं'नो नाजागोन। जेराव गिबियाव बेखौ जिएसएनि नख'रि फोथारआव खुंफुं'नाय उनाव बिजिरगिरिफोरनि फोथारआव लानाय जादोंमोन। नाथाय बे खेबआव बादायलायनायखौ गुवाहाटीनि नेहरु स्टेडियमआव लानाय जागोन। थानाय 10 बोसोरव बे टुर्नामेन्टखौ आसामनि गुबुन

गुबुन नोगोरआव खुंफुं'नाय जादों। मख'नाय जायोदि, जिल्लायारि थाखोनि मेचफोरा फैगौ बोसोरनि 20 जानुवारि आरो 5 फेब्रुवारिनि गेजेराव खुंफुं'जागोन। जेराव बेनि उनाव क्लास्टर लेभेलनि मेच आरो जोबथायाव फाइनाल बादायनाय जागोन। मख'नाय जायोदि, बे टुर्नामेन्टखौ गासैबो दर 35 जिल्लाफोराव गिबि खोलोबनि बादायनायखौ बान्जायनाय जागोन। जेराव मोनफोमबो जिल्लायारि स्पर्ट्स एस'सिएसनफोरा गावसोरनि मोन 8 क्लाबफोरखौ गिबि खोलोबनि थाखाय सायख'नो हागोन। जेराव जिल्लायारि सेम्पियनफोरा बेनि उनाव क्लास्टर राउन्डआव सौहैगोन आरो रनास'आपफोरा फाइनाल राउन्डनि थाखाय क्वालिफाइ जागोन आरो फाइनाल राउन्डनि बादायनाया गुवाहाटीनि जाज फोथारआव गिबि मार्चनिफ्राय जागोन।

डब्लिउटिसि पइन्टनि फारिआव भारतआ गोबां खहा जानादों



गोदान दिल्ली, 30 डिसेम्बर: भारत आरो अस्ट्रेलियानि गेजेराव टेस्ट सिरिजनि ब्रैथि मेचआ 5 सानसिम सोलिलदों। नाथाय जोबथायाव भारतआ जेन्नायजों मोगा-मोगि जानादों। भारतआ बेयाव मेचखौ डू खालामनो नाजादोंब्लाबो थारिखिसिम सौहैनायाव फेलें जादों। जेराव भारतनि बे

जेन्नायनि उनाव वर्ल्ड टेस्ट सेम्पियनसिपनि पइन्टनि फारिआव अस्ट्रेलियाआ आवगायदोंब्ला भारतआ गोबां खहा जानादों। नाथाय बेनि उनावबो दासिमाव अस्ट्रेलियानि हान्जाया डब्लिउटिसि फाइनालआव मासिखौ रोखा खालामनो हायाखै। बेराफासै भारतआबो बे रेसनिफ्राय आबुडै

जायखाराखै। पइन्ट फारिआव खोला आफ्रिकानि हान्जाया नम्बर 1 आव सौहैदों। जेराव बेनि सानसे सिगांसो बे हान्जाया पाकिस्तानखौ गिबि टेस्टआव फे जेन्नाय फाइनालआव गावसोरनि मासिखौ रोखा खालामदों। बे हान्जानि पिसिटिआ सोलिफु समाव 66.89 जानानै दड।

अस्ट्रेलियानि हान्जाया 58.89 निफ्राय 61.46 पिसिटिसिम आवगायनानै नैथि नम्बरआव थामहिन्बा बे हान्जाया पइन्टनि फारिआव आवगायदों। भारतनि हान्जाया बे मेचनि सिगां 55.88 पिसिटिजों साबसिन थासारिआव दडमोन। नाथाय जेन्नायनि उनाव 52.77 पिसिटिसिम दावख्वायनानै फेदों। अब्लाबो हान्जाया फाइनालाव सौहैनाय मिजिक आव गैयाब्लाबे रेसनिफ्राय जानगाराखै। भारतआ जोबथा खेब महरे फैगौ 3 जानुवारिनिफ्राय सिडनीआव गेलेगोन। जेराव बेनो टेस्ट सेम्पियनसिपआव भारतनि जोबथा मेच जागोन।

नाअमी असाकाआ टेनिसखौ नागारनायनि सायाव खुंगा बेखेवदों

वाशिंग्टन, 30 डिसेम्बर: खेबब्रै ग्रेन्डस्लेम सेम्पियन नाअमी असाकाआ गावनि सान्नाय बादिबै थासारिआ सोलियाब्ला टेनिसखौ नागारगोननि बाथा बुंदों। जापाननि 27 बोसोर बैसोनि असाकाआ थानाय अक्टबर दानआव चीना अपेनआव जान्जिआव जोखोम मोन्नायनि उनाव ओंखारफिन्तों। जेराव बिथाडा अक लेन्डआव बादायनाय एएसबि टेनिस क्लासिकआव गिबि राउन्डआव



इजराइलनि लीना ग्लुस्क'जों सेलेन्जआव ओंखारगोन। बिथाडा अकलेन्डआव टुर्नामेन्टनि सिगां प्रेस कन्फरेन्सनि गेजेरजों सोलिफु बोसोरव उन्दै जोनोम होनायनि थाखाय 15 दानसिम ब्रेक लानायनि उनाव गावनि प्र फे सनेल के रियारआव

ओंखारफिन्नायखौ फोरमायदों। जेराव बिथाडा सिजननि जोबनायाव 58 थि मासिआव थादों। बिथाडा प्रेस कन्फरेन्सआव गावनि सान्नाय बादि सोलियाब्ला गुबुनफोरबादि गेलेलाबाय थानायखौ मोजां मोना होन्नाय फोरमायदों।

लोगोसे टुरआव गासैबो गेलेगिरिफोरनि बाहागोदारि जानायखौ मान होयो होन्ना फोरमायो। अब्लाबो सोलिफु समाव गावनि जिउयारि थासारिनि थाखाय हाबा मावनायखौ फोरमायदों। लोगोसे गाहाइ रेकिन्फ्राय गोजौसिम सौहैनो हायाब्ला गावखौनो गाव गेलेनायाव बाउसोमनो लुबैयाखै होन्नाय फोरमायदों। बिथानि सोलिफुबोसोरव जेनाय देरहानाय रेकर्डआ 22-17 जानानै दड। जायनि फारिआव बिथाडा दहा आरो नेडाइलेन्डआव जालानाय टुर्नामेन्टनि क्वार्टर फाइनालसिमबो सौहैदोंमोन।

जवाहर प्रसाद फुटबल टुर्नामेन्टआव आसामआ जेन्नायजों मोगा-मोगि जादों



गुवाहाटी, 30 डिसेम्बर: जवाहर प्रसाद माधेसिया फुटबल टुर्नामेन्टनि बादायलायनाया जागायबाय। बे टुर्नामेन्टनि बेखेवजेन्नाय बादायलायनायाव मनिपुरनि हान्जाया आसामखौ 1-0 गलआव फेजेन्नाय आगानसे आवगायजेना हादों। जेराव मोननैबो हान्जाया बे मेचआव गोखौ सेलेन्ज होज्जायदोंब्लाबो मनिपुरनि हान्जाया बांसिनै खाबुखौ लानो हादों। जेराव थावनिसिम सौहैनाय अन्सायगिरिफोरा फोथारनि फारफोमथिबो रंजानानै गेलेगिरिफोरखौ थुलुंगा हरदों। पाथर देभाआव थानाय आचार्य नरेन्द्र देब इन्टर कलेज गेलेमु फोथारआव बान्जायजानाय बे इभेन्टआव गोबां नायगिरिफोरा बेखेवजेन्नाय सानखालि फोथारसिम सौहैदों। बेखेवनाय बादायलायनायाव जेबिएन

इउनाइटेड क्लाब मनिपुर आरो आरके फुटबल एकाडेमि आसामनि गेजेराव गोब्राब सेलेन्ज होज्जायनायखौ नुनो मोन्दों। गिबि हाफआव मोननैबो हान्जाया गल सोलायनो हायाखैब्लाबो नैथि हाफआव होज्जायनाय गोखौ सेलेन्जआ अन्सायगिरिफोरनि गोसोआव जर'खा मोन्दांथि लाबोदों। जेराव बे समाव मनिपुरनि हान्जाया

आसामनि हान्जाखौ बांसिनै दबथायनो हादों। बे समाव बलआ बांसिनै आसामनि गलपस्ट फासै सौहैदोंमोन। अब्लाबो बांसिन समावनो आसामनि गलकि पारआ रैखाथि होदों। बे मेचनि जोबथा मिनिटआव मनिपुरनि आसुआ मोजाडै मोन्नाय पास बलखौ गलनि महर होनानै हान्जाखौ आवगायहोदों। जेराव बे स्क रिंखौनो हान्जाया जोबनायसिम लाखिदों। बे मेचआव आसुआ प्लेयार अफ दा मेचनि थाखाय सायख'जादों। जेराव बे बादायलायनायाव राहुल सरकार आरो अमित बैटआ रेफारि बिबानआव थादों।

यशस्वी जयसवालआ सचिन तेन्दुलकारनि समान रेकर्ड थिसन्दों



गोदान दिल्ली, 30 डिसेम्बर: यशस्वी जयसवालआ सोलिफु बोसोरव टेस्ट क्रिकेटआव मोजाडै दिन्थिफुंजाजो ज रथनि उनाव बयनिखुइ बांसिन रन लानाय गेलेगिरि फारिआव नैथि नम्बरआव सौहैदों। बिथाडा अस्ट्रेलियानि हेंथायै मेलबर्न क्रिकेट ग्राउन्डआव गेलेनाय बर्डर गाभास्कार टूफी 2024-25 नि ब्रैथि मेचआव मोननैबो इन्सिआव रेकर्डनि बेटि खालामदों। गिबि इन्सिआव बिथाडा 82 रन आरो नैथि इन्सिआव 50 रनखौ बारदों। बे रनजोंनो बिथाडा सचिन तेन्दुलकार आरो सुनिल गाभास्कारनि टेस्टआव थिसन्नाय मोनसे जर'खा रेकर्डजों समानआव सौहैदों। थामहिन्बा बिथाडा सोलिफु बोसोरव बयनिखुइ बांसिन टेस्ट रन लानाय फारिआव ज रथनि उनाव नैथि नम्बरआव सौहैनायनि अनगायै बे समाव गासै खेब 12 हाफ सेन्सुरि लादों। बे रनजोंनो बिथाडा बोसोरसेयाव भारतनि थाखाय बयनिखुइ बांसिन हाफ सेन्सुरि लानाय गेलेगिरि महरे गाभास्कार आरो तेन्दुलकारजों जुथायै नैथि मासिआव सौहैदों। जेराव बे फारिआव भिरेन्द्र शेहबागआ बयनिबो गिबिआव जायगा मोन्दों। मानोना बिथाडा 2010 आव टेस्ट क्रिकेटआव खेब 13 हाफ सेन्सुरिनि बांसिन रन लादों।

लक्ष्य सेनआ किं काप बेडमिन्टनआव थामथि मासिआव जायगा मोन्दों

गोदान दिल्ली, 30 डिसेम्बर: भारतनि मुंदांखा शाटलार लक्ष्य सेनआ प्लेअफनि बादायलायनायाव फ्रान्सनि बादायारि एलेक्स लेनियरजों 21-17, 21-17 स्करआव देरहानाय थिसन्नाय चीननि शेनझेनआव खुंजानाय किं काप इन्टरनेसनल बेडमिन्टन अपेन 2024 आव थामथि मासिआव जायगा मोन्दों। सोलिफु समाव मुलुगनि 12 थि मासिआव जायगा मोन्नाय सेनआ चीननि हु झियानजों सेमिफाइनालाव जेन्नायनि उनाव प्लेअफनि बादायनायाव मोजाडै दिन्थिफुं'दों। जेराव बिथाडा सोलिफु जुनियर वर्ल्ड सेम्पियन आरो मुलुगनि नम्बर 1 गेलेगिरिजों गावनि मोजा फर्मखौ लाखिनायाव फेलें जादोंमोन। थामथि जायगानि



बादायलायनायाव मुलुगनि 18 थि मासिआव जायगा मोन्नाय सेनआ लेनियरनि हेंथायै गिबियै बादायनो खाबु मोन्नायाव गावनि मुलामफाखौ लादों। लेनियरआ गिबि सेटनि गेजेराव सरासन्ना आवगायनायखौ लाखिनानै फ्रन्ट फुटआव आवगायजेन्तोंब्लाबो उननि समाव फेलें जाहैदों। जेराव नैथि सेटआव भारतनि गेलेगिरिआ गावनि गोखौ गोहोखौ लाखिदों। बे टुर्नामेन्टनि सिगां

समाव सेनआ क्वार्टर फाइनालाव हंकिनि एंगस एनजिखौ फेजेन्तोंमोन। नाथाय बेनि उनाव बादायलायनाय सेमिफाइनालाव झेननि हेंथायै गावनि गोखौ फर्मखौ फारियै लाखिनायाव फेलें जादों। पेरिस अलिम्पिक 2024 आव सेमिफाइनालसिम सौहैनायजों खौरनि हेडलाइनआव जायगा मोन्नाय सेनआ बे टुर्नामेन्टआव भारतनि सासेल'थान्दै महरे सौहैदों।

जुनियर भलिबल टुर्नामेन्टआव बजाली आरो गहपुरनि हान्जाया जाफुंसारनो हादों

गुवाहाटी, 30 डिसेम्बर: 58 थि जुनियर भलिबल टूफीनि फाइनालआव बजालि जिल्ला हिन्जावसा हान्जा आरो गहपुर जिल्लानि हौवासाफोरनि हान्जाया मोननैबो मेचआव 3-0 स्करिआव थोंजोडै देरहानाय

थिसन्दों। आसाम भलिबल एस'सिएसन, गवालपारा मिउनिसिपाल सियारमेन श्री महानन्द पाठक आरो गवालपारा भलिबल रिसिप्सन कमिटीजों खुंजानाय बे हाबाफारिआव मोननैबो देरहानाय हान्जाया



गोखोडै दिन्थिफुं'दों। बजाली जिल्लानि हिन्जावसा हान्जाया गावसोरनि गोखौ सेलेन्जनि बेन्दोंखौ बारनानै 3-0 स्करआव देरहानायजों जौसिन मासिआव थाहैदों। बे इभेन्टनि बान्था होनाय

हाबाफारिनि समाव बजाली जिल्लानि जुनाली बर'आ साबसिन गेलेगिरि बान्थाजों मान होजादों। जेराव बे बान्थाखौ गवालपारा मिउनिसिपालनि सियारमेन आरो भलिबल रिसिप्सन कमिटीनि आफादगिरि श्री

महानन्द पाठक आरो गवालपारा गेलेमु आफादनि नेहाथारि श्री दिपक नाथआ गथायनानै होयो। हौवासाफोरनि हान्जाया फाइनालआव गहपुर जिल्लानि हान्जाखौ 3-0 स्करआव फेजेन्नाय बिमुंखौ देरहादों।